


舊五代史

唐傳廿三之六
晉一之六紀

七十一之八十




內閣文庫			
函	冊	號	類
三	二	二五八	漢書
二	〇		
一	〇		
架	冊	號	類

內閣文庫			
函	冊	號	類
三	二	二五八	漢書
二	〇		
一	〇		
架	冊	號	類

內閣文庫			
番號	漢	2158	
冊數	20 (12)		
函號	281	18	



十二



淺草文庫

舊五代史卷七十一
宋薛居正等撰

唐書第四十七

列傳二十三



馮郁其先范陽人郁少警悟有俊才智教言辯縱橫下筆成文乾
寧末為府刀筆小吏李匡威為王鎔所殺鎔書報其弟匡儔匡儔
遣使于鎔問謀亂本末幕客為書多不如旨郁時直記室即起草
為之條列事狀云可疑者十詞理俊贍以此知名嘗聘王鎔于鎮
州官妓有轉者美麗善歌舞因宴席郁累挑之幕客張澤亦以
文章名詰郁曰子能座中成賦可以此妓酬郁抽筆操紙即時
成賦擁妓而去郁在武皇幕累官至檢校司空秘書監武皇與莊
宗禮過俱奉歲時給賜優異將軍張承業本朝舊人權貴任事人

士脅肩低首候之郁以滑稽侮狎其往如歸有時直造臥內每賓僚宴集承業出珍果陳列于前食之必盡承業私戒主膳者曰他日馬監至唯以乾藕子置前而已郁至窺其不可啖異日韓中出一鐵槌碎而食之承業大笑曰為公設異饌勿敗余食案其俊率如此郁在莊宗幕寄寓他土年老思鄉每對莊宗歎歎言家在范陽乞骸歸國以葬舊山莊宗謂之曰自卿去國已來同舍孰在守光尚不能容父能容卿乎孤不惜卿行但卿不得死爾郁既無歸路衷懷嗚悵竟卒于太原

司空顛貝州人唐僖宗時舉進士不中屬天子播遷三輔大亂乃還鄉里羅紹威為節度副大使顛以所業干之幕客公乘億為延譽羅宏信署為府參軍辟館驛巡官張彥之亂命判官王正言草奏正言素不能文不能下筆彥怒詬曰鈍漢乃辱我推之下榻問

孰可草奏者有言顛羅王時書記乃馳騎召之顛揮筆成文詆斥梁君臣彥甚喜以為判官及張彥復脅賀德倫降于唐德倫遣顛先奉狀太原北夢瑣言載其狀詞云屈原哀即本非怨望之人樂毅歸燕且異顧邪之行莊宗乃以顛為判官後以

顛權軍府事顛有姪在梁遣家奴以書召之都虞候張裕擒其家奴以謂通于梁遂見殺通鑑晉王賁顛曰自吾得魏博庶事悉以委公公何得見欺如是獨不可先相示耶揖令歸第是日族誅于軍門

曹廷隱魏州人也為本州典謁虞候賀德倫使西迎莊宗于晉陽莊宗既得鄴城擢為馬步都虞候以其稱職自是遷拜日隆天成初除齊州防禦使下車嚴整頗有清白之譽時有孔目吏范弼者為人剛愎視廷隱蔑如也弼監軍廩鬻空乏以取贖又私貨官鹽廷隱按之遂奏其事弼家人訴于執政並下御史府劾之弼雖伏法廷隱以所奏不實亦流永州續勅賜自盡時人寬之蕭希甫宋州人也少舉進士為梁開封尹表蒙先書記蒙先為音

州節度使以希甫為巡官希甫不樂乃棄其母妻變姓名亡之鎮
州自稱青州掌書記進謁王鎔鎔以希甫為參軍心不樂居歲餘
又亡之易州削髮為僧居百丈山莊宗將建國置百官李紹宏薦
為魏州推官同光初有詔定內宴儀問希甫樞密使得坐否希甫
以為不可樞密使張居翰聞之怒謂希甫曰老夫歷事三朝天子
見內宴數百子本田舍兒安知宮禁事希甫不能對初莊宗欲以
希甫知制誥宰相豆盧革等附居翰共排斥之以為駕部郎中希
甫矢志尤快莊宗滅梁室遣希甫宣慰青齊希甫始知其母已
死真哀氏亦改嫁希甫乃免哀服喪居于魏州人有引漢李陵書
以誡之曰老母終堂生妻去室天成初欲召為諫議豆盧革革說
沮之明宗卒以希甫為諫議大夫復為匭函使其後革說為安重
誨所惡希甫希旨誣奏革縱田客殺人而說與隣人爭井井有實

貨有司推動升中惟破釜而已革說卒皆貶死希甫拜左散騎常
侍驟進尤甚引告變人李筠夜扣內門通變書云修隱兵士欲取
郊天日奉火為叛安重誨不信之斬告變者軍人訴屈請希甫啖
之既而詔曰左散騎常侍集賢殿學士判院事蕭希甫身處班行
職非警察輒引兇壯之輩上陳誣亂之詞逼近郊禋扇搖軍衆李
筠既當誅戮希甫寧免謫遷可貶嵐州司戶參軍仍馳驛免遣長
興中卒于貶所子士明仕周終於邑宰
葉縱之太原人少為孺明宗刺代州署為軍事衙推從明宗鎮邢
州為掌書記歷太平宣武兩鎮節度副使明宗鎮常山被病不從
及卽位縱之見于洛邑安重誨怒其觀望久無所授明宗曰德勝
用兵時縱之飢寒相伴不離我左右今有天下何人不富貴何為
獨棄縱之決旬授磁州刺史歲餘自戶部侍郎遷吏部侍郎銓總

之法惘然莫知長興初為曹州刺史清泰元年九月以疾受代而卒

賈馥故鎮州節度使王鎔判官也家聚書三千卷手自刊校張文禮殺王鎔時莊宗未即尊位文禮遣馥至鄴都勸進因留鄴下棲遲郵舍莊宗即位授鴻臚少卿後以鴻臚卿致仕復歸鎮州結茅于別墅自課兒孫耕牧為事馥初累為鎮冀屬邑令所蒞有能政性恬澹與物無競乃鎮州土人之秀者也

馮編少嗜學以明經及第登拔萃之科仕梁為太常修撰累歷尚書郎參知禮院事遷太常少卿梁代諸王納壻公主下嫁皆于宮殿門庭行揖讓之禮編以為非禮上疏止之物議以為然案以下有闕文長興四年為戶部侍郎編時年已八十及為國子祭酒八十餘矣形氣不衰于事多遺忘言元稹不應進士以父元魯山名進故也多

如此類又上疏古者無嫂叔服文皇創意以兄弟之親不宜無服乃議服小功今令文省服制條為兄弟之妻大功不知何人議改而寘于令文諸博士駁云律令國之大經馬編知禮院時不曾諭定今遽上疏駁令式罪人也

羅貫不知何許人進士及第累歷臺省官自禮部員外郎為河南令貫為人強直正身奉法不避權豪時宦官伶人用事凡請託于貫者其書盈閣一無所報皆以示郭崇韜因奏其事由是左右每言貫之失先是梁時張全義專制京畿河南洛陽寮佐皆出其門下事全義如廝僕及貫受命持本朝事體奉全義稍慢部民為府司庇護者必奏正之全義怒因令女使告劉皇后從容白于莊宗宦官又言其短莊宗深怒之會莊宗幸壽安山陵道路泥濘莊宗訪其主者宦官曰屬河南縣促令召貫至奏曰臣初不奉命請詰

稟命者帝曰卿之所部反問他人何也命下府獄府吏榜笞促令
伏歎翌日傳詔殺之郭崇韜奏曰貫別無贓狀橋道不修法未當
死莊宗怒曰母后靈駕將斃天子車輿往來橋道不修是誰之過
也崇韜奏曰貫縱有死罪俟歎狀上奏所司議讞以朝典行之死
當未晚今以萬乘之尊怒一縣令俾天下人言陛下使法不公矣
莊宗曰既卿所愛任卿裁決因投袂入宮崇韜從而論列莊宗自
闔殿門不得入即令伏法曝尸于府門寃痛之聲聞于遠邇
淳于晏案以下有闕文以明經登第自霍彥威為小校晏寄食于門下彥威
嘗因兵敗獨脫其身左右莫有從者惟晏杖劍從之徒步草莽自
是彥威高其義相得甚歡及歷教鎮皆為從事軍府之事至于私
門事無巨細皆取決于晏雖為幕賓有若家宰爾後公侯門客往
來效之時謂之效淳故彥威所至稱治由晏之力也

張格字承之故宰相濬之子也濬為梁祖所忌潛遣人害于長水
格易姓名流轉入蜀舊唐書張濬傳永寧縣吏葉彥者張氏待之素厚告格曰相公之禍
不可免即君宜自為計濬曰留則併命去或可免冀存後嗣格拜辭
而去葉彥率義士三十人送濬王建僭號以格為宰相格所生母當濬之遇
害潛匿于民間落髮為尼流浪于巫洛王建聞之潛使人迎之入
蜀賜紫加號慈福大師及建卒蜀人以格為山陵使格有難色未
幾得罪出為茂州刺史偽制責詞云送往^葬命不忍也喪母匿喪
非孝也王衍嗣偽位後數年復用為宰相同光末蜀平格至洛陽
舊唐書任圜携格遷洛格感葉彥之惠訪之身已歿厚
卹其家又攷張濬第三子仕吳改名李儼見九國志授太子賓客任圜愛其材奏
為三司副使尋卒于位格有文章明吏事時頗稱之
許寂字閑祖祕名聞會稽寂少有山水之好汎覽經史窮三式
尤明易象太平廣記云寂
學易于晉徵君久棲四明山不干時譽昭宗聞其名徵赴闕
召對于內殿會昭宗方與伶人調品箏篋事訖方命坐賜果問易

義既退寂謂人曰君淫在聲不在政矣寂聞君人者將昭德塞違以臨照百官百官或象之今不厭賤事自求其工君道替矣尋請還山寓居于江陵以茹芝絕粒自適其性天祐末節度使趙匡凝昆季深禮遇之師授保養之道唐末除諫官不起漢南謂之徵君梁攻襄陽匡凝兄弟棄鎮奔蜀寂偕行歲餘蜀主王建待以師禮位至蜀相同光末平蜀與王衍俱徙于東授工部尚書致仕卜居于洛時寂已年高精彩猶健冲漢寡言時独語云可怪可怪人莫知其際清泰三年六月卒時年八十餘子孫位至省郎同光時以方術著者又有僧誠惠誠惠初于五臺山出家能修戒律稱通皮骨肉三命人初歸向聲谷漸遠四方供饋不遠千里而至者衆矣自云能役使毒龍可致風雨其徒號曰降龍大師京師旱莊宗迎至洛下親拜之六宮參禮士庶瞻仰謂朝夕可致耳澤禱祝教旬

略無徵應或謂官以祈雨無驗將加焚燎誠惠懼而遁去及卒賜號法雨大師塔曰慈雲之塔

周元豹者本燕人世為從事元豹少為僧其師有知人之鑒從遊十年餘苦辛無憚師知其可教遂以表許之術授之大略狀人形貌比諸龜與禽獸目視臆斷咸造其理及還鄉遂歸俗初盧程寄謁遊燕與同志二人謁焉元豹謂鄉人張殷表曰適二君子明年花發俱為故人惟彼道士他年甚貴至來歲二子果卒又二十年盧程登庸于鄴下元豹歸晉陽張承業信重之言事數中承業俾明宗易衣列于諸校之下以他人詐之而元豹指明宗于末綴言曰骨法非內衙太保欵威伏其異或問明宗之福壽惟云末後為鎮川節度使時明宗為內衙都校終兼川牧而已昭懿皇后夏氏方侍巾櫛偶忤旨大為明宗擅楚元豹見之曰此人有藩侯夫人

之位當生貴子明宗赫怒因解後其言果驗太原判官司馬揆謁
元豹謂揆曰公五日之中奉使萬里未見迴期揆數日後因酒酣
為衣領挽之而卒莊宗署元豹北京巡官明宗即位之明年一日
謂侍臣曰方士周元豹昔曾言朕諸事有微可詔北京津置赴闕
趙鳳奏曰袁許之事元豹所長者以陛下貴不可言今既驗矣餘
無可問若詔赴闕下則奔競之徒爭問吉凶恐近于妖惑乃止令
以金帛厚賜之授光祿卿致仕尋卒于太原年八十餘

舊五代史卷七十一

舊五代史卷七十一攷證

唐列傳二十三馬郁傳馬郁其先范陽人案尹洙河南集韓重

華誌銘作燕客馬或韓琦安陽集重修五代祖塋域記亦作幕

吏馬或攷宋人說部載韓定辭唱和詩俱作馬或與是書異惟

雲谷雜記從通鑑作郁與是書同

幕客張澤亦以文章名謂郁曰子能座上成賦可以此妓奉酬

案太平廣記作韓定辭請馬郁為賦與是書異

馬縞傳及為國子祭酒八十餘矣案馬縞傳原本殘闕歐陽史

云卒年八十贈兵部尚書據是書縞為國子祭酒已八十餘矣

與歐陽史異又直齋書錄解題云中華古今注後唐太學博士

馬縞撰攷歐陽史雜傳亦不載馬縞為太學博士

是夜夢神人謂曰子但渡流冰無患既寤津吏報曰河冰合矣凌晨蹶冰而濟旋踵冰解使還武宣病篤啓手之夕召承業屬之曰吾兒孤弱羣臣縱橫後事公善籌之承業奉遺顧爰立嗣王平內難策略居多既終易月之制卽請出師救潞破賊夾城莊宗深感其意兄事之親幸承業私第升堂拜母賜遺優厚時莊宗初行墨制凡除拜之命皆成于盧汝弼之手汝弼既自為戶部侍郎乃請與承業改官及開國邑承業拒而不受其後但稱本朝舊官而已天祐中幽州劉守光敗其府掾馮道歸太原承業辟為本院巡官承業重其文章履行甚見待遇時有周元豹者善人倫鑒與道不合謂承業曰馮生無前程公不可過用管書記盧質聞之曰我曾見杜黃裳司空寫真圖道之狀貌酷類焉將來必副大用元豹之言不足信也承業薦為霸府從事焉柏鄉之役王師既迫汴營周

德威慮其奔衝堅請過舍莊宗怒其懦不聽垂帳而寢諸將不敢言事咸詣監軍請白承業遠至牙門褰帳而入撫莊宗曰此非王安寢時周德威老将洞識兵勢姑務萬全言不可忽莊宗蹶然而興曰予方思之其夕收軍保鄆邑德威討劉守光令承業往視賊勢因請莊宗自行果成大捷承業感武皇厚遇自莊宗在魏州垂十年太原軍國政事一委承業而積聚度帑收兵市馬招懷流散勸課農桑成是霸基者承業之忠力也時貞簡太后韓德妃伊淑妃諸宅王之貴洎王之介弟在晉陽宮或不以其道干于承業悉不聽踰法禁者必懲繇是貴戚斂手民俗丕變或有中傷承業于莊宗者言專弄威柄廣納賂遺莊宗歲時還晉陽宮省太后須錢蒲博給伶官嘗置酒于泉府莊宗酣飲命興聖宮使李繼安為承業起舞既竟承業出寶帶幣馬奉之莊宗指錢積謂承業曰和哥

無錢使七哥與此一積寶馬非殊惠也承業謝曰即君哥勞承業
自出已俸錢此錢是大王庫物準擬支贍三軍不敢以公物為私
禮也莊宗不悅使酒侵承業承業曰臣老勅使非為子孫之謀惜
錢為大王基業王若自要散施何妨老夫不過財盡兵散一事無
成莊宗怒顧元行欽曰取劍來承業引莊宗衣泣而言曰僕荷先
王遺顧誓為本朝誅汴賊為王惜庫物斬承業首死亦無愧于先
王今日請死閻竇解承業手令退承業詔竇曰黨朱溫逆賊未嘗
有一言効忠而敢依諂附揮拳踣之太后聞莊宗酒失急召入莊
宗性至孝聞太后名叩頭謝承業曰吾杯酒之間忤于七哥太后
必怪吾七哥為吾痛飲兩巨分謗可也手莊宗連飲四鍾勸承業竟
不飲莊宗歸宮太后使人謂承業曰小兒忤特進已咎矣可歸第
翌日太后與莊宗俱幸其第慰勞之自是私謁裁絕十四年承制

授開府儀同三司左衛上將軍燕國公固辭不受是時盧質在莊
宗幕下嗜酒輕傲嘗呼莊宗諸弟為豚犬莊宗深銜之承業慮質
被禍因乘間謂莊宗曰盧質多行無禮臣請為大王殺之可乎莊
宗曰予方招禮賢士以開霸業七哥何言之過也承業因僭立而
言曰大王若能如此何憂不得天下其後盧質雖成縱誕莊宗終
能容之蓋承業為之藻藉也十八年莊宗受諸道勸進將纂帝位
承業以為晉王三代有功于國先人怒朱氏弑逆將復舊邦雖既
未平不宜輕受推戴方疾作肩輿之勤官見莊宗曰王父子血戰
三十餘年蓋言報國仇讎復唐宗社今元亮未減民賦已殫而遽
先大號靈耗財力臣以為不可一也臣自咸通已來伏事宮掖每
見國家冊命大禮儀伏法物百司庶務經年草定臨事猶有不可
王若化家為國新立廟朝不可乖于制度制禮作樂未見其人臣

以為不可二也。舉事量力而行，不可信于游譚也。

通鑑攷異引秦再思洛中記異云承業諫帝曰

大王何不待誅克梁孽更乎吳留伴天下一家且先求唐氏子孫立之後更以天下讓有功者何人孰敢當之讓一月即一月年讓一年即一年年讓使高祖再生太宗復出又胡為哉今大王一旦自立頓失從前仗義征伐之旨人情怠矣老夫是閣官不愛大王官職富貴直以受先王付屬之重欲為大王立萬年之基爾

業知莊宗不從因號泣而言之十九年十一月二日以疾卒于晉

陽之第時年七十七負簡太后聞喪遽至其第盡哀為之行服如

兕姪禮同光初贈左武衛上將軍謚曰貞憲

女代史關文莊宗將即位于魏州承業自太原至謂莊宗曰吾

王也奉唐宗最為忠孝自負親以來王室有難未嘗不從所以老奴三十餘年為吾王掘拾財賦台補軍馬者誓滅逆賊朱溫復本朝宗社耳今河朔甫定朱氏尚存吾王遠即大位可乎云莊宗曰奈諸將意何承業知不可諫止乃慟哭曰諸侯血戰者本為李家今吾王自取之誤老奴矣既歸太原不食而死臣謹案莊宗實錄叙承業諫即位事甚詳為吾王自取之言不書史官諱之也

張居翰字德卿咸通初掖庭令張從政養之為子以詹入仕中和

三年自容管監軍判官入為學士院判官遷樞密承旨內府令賜

緋昭宗在華下超授內常侍出監幽州軍事秩滿詔歸第度使劉

仁恭表留之天復中詔誅宦官仁恭紹奏殺之匿于大安山之北

谿天祐三年汴人攻滄州仁恭求援于武皇乃遣居翰與書記馬

郁等率兵助武皇同攻潞州武皇因留之不遣李嗣昭節制昭義

以居翰監其軍以燕軍三千為部下俄而汴將李思安築夾城以

圍潞州居翰與嗣昭登城保守以至解圍自是嗣昭每出征令居

翰知留後事同光元年夏四月召為樞密使加特進與郭崇韜對

掌機務十月莊宗將渡河留居翰與李紹宏同守魏州莊宗入汴

加驃騎大將軍知內侍省事依前充樞密使同光時宦官干政邦

家之務皆出于郭崇韜居翰自以羈旅乘時擢居重地每于宣授

不敢有所是非承顏免過而已以此脫季年之禍四年三月偽蜀

王衍既降詔遷其族于洛陽行及秦川時關東已亂莊宗慮衍為

變中官向延嗣馳騎賫詔殺之詔云王衍一行並宜殺戮其詔已

經印畫時居翰在密地覆視其詔即就殿柱楷去行字改書家字

及行就戮于秦川驛止族其近屬而已其偽官及從行者尚千餘人皆免其枉濫居翰之力也明宗入洛居翰謁見于至德宮待罪雪涕乞歸田里詔許之乃辭歸長安仍以其子延貴為西京職事以供侍養天成三年四月以疾卒于長安時年七十一居翰性和而靜諳悉舊事在潞州累年每春課人育蔬種樹敦本惠農有仁者之心焉

馬紹宏閹官也初與孟知祥同為中門使及周德威薨莊宗兼領幽州令紹宏權知州事即位之初郭崇韜勳望高舊在紹宏之下時徵潞州監軍張居翰與崇韜並為樞密使紹宏失望乃以為宣徽使紹宏以己合當樞密任常藝側目于崇韜崇韜知其嫌也乃置內勾之目令天下錢穀簿書悉委裁遣既而州郡供報輒滋煩費議者以為十羊九牧深所不可內勾之目人以為是妖言

下業

有闕文據通鑑李嗣源考謠言所屬危殆者數四賴宣徽使李紹宏左右營護以是得全天成元年二月己丑朔以宣徽南院使李紹宏為樞密使

孟漢瓊本鎮州王鎰之小豎也明宗鎮常山得侍左右明宗即位自諸司使累遷宣徽南院使漢瓊性通黠善交構初見秦王權重及挾王淑妃勢傾心事之及朱馮用事又與之締結秦王領兵至天津橋時漢瓊與朱馮及康義誠方會議于內庭謀猶未決漢瓊獨出死力先入殿門奏于明宗詔在秦王傳漢瓊即自介馬以名禁軍秦王既誅翼日令漢瓊馳騎召閔帝于鄴通鑑遺漢瓊徵從厚閔且權知天雄軍府事帝嗣位尤恃恩寵期月之內累加開府儀同三司驃騎大將軍西軍既叛閔帝急召漢瓊欲令先入于鄴漢瓊藏匿不行潞王行及陝州乃悉召諸妓妾訣別欲手刃之衆知其心率皆藏窟初潞王失守于河中勒歸于清化里第時王淑妃恒令漢瓊傳教旨于潞

王王善待之故漢瓊自謂潞王于己有恩至是乃單騎至灑池謁

見潞王因自慟哭欲有所陳潞王曰諸事不言可知漢瓊即自預
從臣之列尋戮于路左
史臣曰承業感武皇之大惠佐莊宗之中興既義且忠何以階也
夫如是則晉之勃貂秦之景監去之遠矣居翰改一字于詔書救
千人之濫死可不謂之仁人矣乎如紹宏之爭權漢瓊之構禍乃
官者之常態也又何足以道哉
舊五代史卷七十二

舊五代史卷七十二攷證

唐列傳二十四張承業傳王若自要散施何妨老夫不過財盡兵

散一事無成 案通鑑作王自取用之何問僕為

以疾卒于晉陽之第 案歐陽史作不食而卒通鑑作邑成疾

不復起

謚曰貞憲 案貞憲歐陽史作正憲

馬紹宏傳馬紹宏閹官也 案莊宗紀作李紹宏蓋嘗賜姓

紹宏失望乃以為宣徽使 案宋史趙上交傳南遊洛陽與中官

驃騎大將軍馬紹宏善紹宏領北面轉運制置大使表為判官

攷紹宏為北面轉運制置大使是書不載

丁
六

兵仗朝廷移授昭義節度使璋謀欲不奉詔判官邊蔚密言規責
乃僂俛承命泊至潞州狂妄不悛每擁川妓于山亭院服諸黃縱
酒令為王衍在蜀之戲事聞于朝徵為金吾上將軍其年秋東川
節度使董璋上言毛璋男廷贊齎文書往西川慮有陰事因遣廷
贊及同行人趙廷祚與璋俱下御史臺獄廷贊乃璋之假姪稱有
叔在蜀欲往省之亦無私書詔停任令歸私第初廷祚在獄多言
璋陰事璋許重賂以塞其口及免廷祚徵其賂璋拒而不與以致
廷祚詣臺訴璋翻覆復下御史臺訊鞫中丞呂夢奇以璋前蒙昭
雪今廷祚以責賂之故復加織羅故稍佑璋及款狀上聞或云夢
奇受璋賂所以獄不盡情執之移與軍巡璋具狀曾許廷祚賂未
與又云曾借馬與夢奇別無行賂之事朝廷懲其宿惡長流儒州
賜死于路

聶嶼鄴中人少為僧漸學吟詠鄭珽之知貢舉也與鄉人趙都僕
赴鄉薦都納賂于珽人報翌日登第嶼聞不捷詎來人以恐之珽
懼俾俱成名漸為拾遺依郭崇韜為鎮州書記明宗時為起居舍
人雙眸若懸性氣乖僻人多忌之天成初除鄴都留守判官與趙
敬怡呂夢奇不足又改河東節度及至常鄙其土風薄其人士或
達于重誨會敬怡入為樞密使與夢奇同搆殺之嶼早依郭氏門
庭致身朱紫名登兩史浙江使迴生涯巨萬至河東日郭氏次子
之婦孀居于家嶼喪偶未久復忍而納幣人皆罪之明宗在藩邸
時素聞其醜聲天成中與溫韜等同詔賜死

溫韜華原人少為盜據華原事李茂貞名彥韜後降于梁更名昭
圖為耀州節度唐諸陵在內者悉斃之取所藏金寶而昭陵最固
悉藏前世圖書鐘王紙墨筆迹如新

業以下
有闕文

移許州節度使累官至

檢校太尉平章事韜素善趙巖每依附之莊宗入汴巖恃韜與乙
素厚遂奔許州韜延之于第斬首傳送闕下同光初韜來朝郭崇
韜曰此劫陵賊罪不可赦韜納賂劉后賜姓名紹冲遠遣還鎮明
宗即位流于德州俄賜死長子延濬清泰中為泥水閼使次延招
為父牙帳都校次延表鄧州指揮使咸聚居許下晉天福初聞張
從賓作亂于河陽咸往依之從賓慮其難制悉斬于帳下
段凝開封人也本名明遠少穎悟多智數初為澠池簿脫荷衣以
事梁祖梁祖漸器之開平三年十月自東頭供奉官授右威衛大
將軍充左軍巡使兼水北巡檢使凝妹為梁祖美人故稍委心腹
四年五月授懷州刺史乾化元年十二月梁祖北征迴過郡凝貢
獻加等梁祖大悅梁祖復北凝迎奉進貢有加于前梁祖次相州
刺史李思安迎奉踈怠梁祖怒貶思安制云懷州刺史段明遠少

身治郡庶事惟公兩度祇奉行臺教程宿食本界動無遺闕奉必
周豐蓋能罄竭于家財務在顯酬夫明獎觀明遠之忠勤若此見
思安之悖慢何如其見賞如此其後遷鄭州刺史監大軍于河上
梁末帝以戴思遠為北面招討使行師不利用王彥章代之受任
之翌日取德勝之南城軍聲大振張漢倫等推功于凝凝倚據彥
章之失以問之通鑑彥章棄鄆家口復趨楊劉趙交將李紹興敗梁遠兵于清邱
縣南段凝以為唐兵已自上流渡驚駭失色面救彥章尤其深入梁末

帝怒罷彥章兵權凝納賂于趙張二族求為招討使敬翔李振極
言不可竟不能止凝以眾五萬營于高陵津裨將康延孝叛歸莊
宗延孝具陳梁軍虛實莊宗遂決長驅之計未幾莊宗入汴凝自
滑率兵而南前鋒杜晏球至封邱解甲聽命翼日凝率大軍乞降
于汴郊莊宗釋之復以凝為滑州兵馬留後賜姓名紹欽有頃正
授節旌改充州節度使凝初見莊宗因伶人景進通貨于宮掖凝

天性其佞巧言飾智善候人意其年契丹寇幽州命宣徽使李紹
宏監護諸軍以禦契丹凝與董璋成瓦橋關凝巧事紹宏嘗乘間
奏凝蓋世奇才可以大任屢請以兵柄委之郭崇韜奏曰凝亡國
敗軍之將其論難狀不可信也凝在藩鎮私用庫物數萬計有司
促償中賈其負同光三年四月移授鄧州節度使四年二月留
禮據鄴城李紹宏請用凝為大將莊宗許之令具方略奏凝所
請偏裨皆取其己黨莊宗凝之乃止明宗至洛陽霍彥威怒其前
事與溫韜同收下獄詔釋之放歸田里明年竄于遼州竟與溫韜
同制賜死

孔謙通鑑作魏列人

莊宗同光初為租庸副使謙本州之幹吏上自天祐十
二年帝平定魏博會計皆委制置謙能曲事權要劾其才力帝委
以泉貨之務設法箕斂七八年間軍儲獲濟及帝卽位于鄴城謙

已當為租庸使物議以謙雖有經營濟贍之勞然人地尚卑不欲
驟總重任樞密使郭崇韜奉魏博觀察判官張憲為租庸使以謙
為副謙恬然不樂者久之帝既平梁汴謙徑自魏州馳之行在因
謂崇韜曰魏都重地須大臣彈壓以謙籌之非張憲不可崇韜以
為忠告卽奏憲為鄴都副留守乃命宰相豆盧革專判租庸謙彌
失望乃尋革過失時革以手書便省庫錢數十萬謙以手書示崇
韜亦辭避帝問當委何人為可崇韜曰孔謙雖久掌貨泉然物議
未當居大任以臣所見當委張憲為使帝促徵之憲性精辨為趨
時者所忌人不右之謙乘間訴于豆盧革曰租庸錢穀悉在眼前
委一小吏可辨鄴都本根之地不可輕付于人興唐尹王正言無
裨益之才徒有独行詔書既徵張憲復以何人為代豆盧革言于
崇韜崇韜曰鄴都分司列職皆主上舊人委王正言何慮不辦革

曰俱是失也設不獲己以正言掌祖庸取書于大臣或可辦矣若
付之方面必敗人事謙以正言非德非勳懦而易制日此議為便
然非已志尋倚正言之失泣訴于崇韜厚賂閹伶以求進用人知
奸諂沮之乃上章請退帝怒其規避將寘于法樂人景進于帝前
解喻而止王正言風病恍惚不能綜三司事景進屢言于帝乃以
正言守禮部尚書以謙為祖庸使謙以國用不足奏諸道判官員
數過多請只置節度觀察判官書記支使推官各一員留守置判
官各一員三京府置判官推官餘並罷俸錢又奏百官俸錢雖多
折支非實請減半數皆支實錢並從之未幾半年俸復從虛折

下京關北夢瑣言明宗即位誅祖庸使孔謙等孔謙者魏州孔目莊宗圖霸以供饋兵食謙有力焉既為祖庸使曲事壁倖奪宰相權專以聚斂為意剝削為端以犯眾怒伏誅

李鄴魏州人也幼事楊師厚及莊宗入魏漸轉裨將歷數郡刺史
後遷亳州為政貪穢有奴為人持金以賂鄴奴隱其金鄴殺之其

家止訴因訐其陰事詔貶柳州司戶參軍又貶崖州長流百姓所
在賜自盡

史臣曰易云積不善之家必有余殃又曰惡不積不足以滅身如
毛璋之儔可謂積惡而滅其身矣況溫韜之發陵寢段凝之敗國
家罪不容誅死猶差晚餘皆瑣瑣何足議焉

舊五代史卷七十三攷證

唐列傳二十五毛璋傳授滄州節度使 滄州歐陽史作萃州

段凝傳其後遷鄭州刺史監大軍于河上 案歐陽史遷凝鄭州

刺史使監兵于河上李振亟請罷之太祖曰凝未有罪振曰待

其有罪則社稷亡矣然終不罷也據此則凝監河上軍為梁祖

時事通鑑攷異云晉人取魏博然後與梁以河為境故常以大

兵守之太祖時未也就使當時屯兵河上亦未繫社稷之安危

此必均王時事也

中貫其負 案中貫其負句原本疑有脫誤攷冊府元龜與是書

同今仍其舊

舊五代史卷七十三攷證

舊五代史卷七十四

宋薛平 居正 撰

唐書第五十

列傳二十六

康延孝塞北部落人也初隸太原因得罪亡命于汴梁開平乾化中自隊長積勞至部校梁末帝時頻立軍功同光元年八月段凝率眾五萬營于王村時延孝為右先鋒指揮使率百騎來奔莊宗得之喜解御衣金帶以賜之翌日賜田宅于鄴以為捧日軍使兼南面招討指揮使檢校司空守博州刺史莊宗屏入問梁兵械延孝備陳利害語在莊宗紀中莊宗平汴延孝頗有力焉以功授檢校太保鄭州防禦使賜姓名紹琛明年郊禮畢授保義軍節度使三年討蜀以延孝為西南行營馬步軍先鋒排陣斬斫等使延孝

性驍健徇利奮不顧身以前鋒下鳳州收固鎮降興州敗王衍軍于三泉所俘蜀軍皆諭而釋之自是晝夜兼行王衍自利州奔歸成都古柏斷綿江津浮梁以絕諸軍延孝復造浮梁以渡進收綿州王衍復新綿江浮梁而去水深無舟楫可渡延孝謂招撫使李嚴曰吾懸軍深入利在急兵乘王衍破膽之時人心離沮但得百騎過鹿頭關彼即迎降不暇如俟修繕津梁便留數日若王衍堅閉近關折吾兵勢儻延旬決則勝負莫可知也宜促騎渡江因與李嚴乘馬浮江于是得濟者僅千人步軍溺死者亦千餘人延孝既濟長驅通鹿頭進據漢川居三日部下後軍方至偽蜀六軍使王宗弼令人持牛酒幣馬歸款旬日兩川平定延孝止漢川以俟繼宥平蜀之功延孝居最時邠州節度使董璋為行營右廂馬步使華州節度使毛璋為行營左廂馬步使以軍禮當事延孝郭崇韜以

私愛董璋及西川平定之後崇韜每有兵機必召璋參決延孝不平時延孝軍于城西毛璋軍于城東董璋軍于城中閏十二月延孝因酒酣謂董璋曰吾有平蜀之功公等僕隸相從反首鼠于侍中之門謀相傾陷者為都將公乃裨校力能斬首璋惶恐謝之而退酒罷璋訴于郭崇韜陰銜之乃署董璋為東川節度使落軍職延孝怒謂毛璋曰吾冒白刃犯險阻平定兩川董璋何功遠有其地二人因謁見崇韜言東川重地宜擇良帥工部任尚書有文武才幹甚洽衆心請表為東川帥崇韜怒曰紹琛反耶敢違吾節度延孝等惶恐而退未幾崇韜為繼宥所害二人因責董璋曰公復首鼠何門璋僂首祈哀而已四年正月甲申大軍發成都繼宥令延孝以一萬二千人為後軍二月癸巳中軍次武連中使詔至諭以西平王朱友謙有罪伏誅令繼宥殺其子遂州節度使令德延

孝大驚俄而董璋率兵之遂州遇延孝不謂延孝怒謂諸校曰南
平梁汴西定已卽畫策之謀始于郭公而汗馬之勞力摧強敵卽
吾也若以背偽歸國倚角而成霸業卽西平王之功第一西平與
郭公皆以無罪赤族歸朝之後次當及我矣丙申延孝次劍州時
延孝部下皆鄙延河中舊將焦武等知西平王被禍兼誅令德號
吳軍門許于延孝曰西平無罪二百口伏誅河中舊將無不從坐
某等必死矣時魏王繼岌到泥溪延孝報繼岌云河中兵士號吳
欲為亂丁酉延孝至劍州遂擁眾迴自稱西川節度三州制置等
使以檄招諭人三日間眾及五萬己亥繼岌至利州是夜守吉柏
津使密告魏王曰得紹瑛文字令斬吉柏浮梁繼岌懼乃令梁漢
永以兵控吉柏津延孝已擁眾急趨西川繼岌遣人馳書諭之夜
羊令監軍使李廷安召任圜因署為副招討使令圜率兵七千騎

與都指揮使梁漢永監軍李廷安討之辛丑先令都將何建崇擊
劍門下之甲寅圜以大軍至漢州延孝來逆戰圜令董璋以東川
懦卒當其鋒伏精兵于其後延孝擊退東川之兵急追之遇伏兵
起延孝敗馳入漢州閉壁不出西川孟知祥以兵二萬與圜合勢

九國志李廷安傳康延孝入漢州知祥遣廷安率兵二千會李仁罕討之將行誓士卒曰
今出師不三旬必破賊乃立功圖賞之日也士卒奮者立東廂衰疾者立西廂無自苦
也得諸行者七百人逐延孝漢州四面樹竹木為柵三月乙丑圜陣于金

鴈橋卽率諸軍鼓譟而進四面縱火風焰亘空延孝危急引騎出
戰遇陣于金鴈橋又敗之以十數騎奔綿州何建崇追及擒之任
圜命載以檻軍時孟知祥與任圜董璋置酒高會因引令延孝檻
軍至會知祥問曰明公頃自梁朝脫身歸命終平汴水節制陝郊
近領前鋒尅平劍外歸朝之後授爵冊勳巨鎮尊官誰與為競奈
何躁憤自毀功庸入此檻車還為節又深為痛惜誰有愍之知祥

因手自注盃以飲之延孝曰自知富貴難消官職已足然郭崇韜
佐命元勳輔成大業不動于戈收獲兩川自古殊功但恐不及一
旦何罪闔門被誅延孝之徒何保首領以此思慮不敢歸朝天道
相違一旦至此亦其命也夫復何言及園班師行次鳳翔中使向
延嗣賁詔至遂誅之部下懷其首級瘞于昭應縣民陳暉地天成
初其子癸之攜去

朱守殷小字會兒莊宗就學以廝養之役給事左右及莊宗即位
為長直軍使雖列戎行不聞戰攻每構人之短長中于莊宗漸以
心腹委河上對壘稍遷蕃漢馬步都虞候守殷守德勝寨為梁
將王彥章所攻守殷無備遂陷南寨莊宗聞之曰驍才大誤予事
因徹北寨往固揚劉明宗在鄆州密詣以覆軍之罪罪之莊宗私
於腹心忍而不問同光二年為振武節度使不之任仍兼領蕃漢

馬步軍京城初定內外警巡恃憑主恩蔑視勳舊與景進互相表
裏又強作宿德之態言詔遲緩自謂沈厚及郭從謙犯興教門步
軍始亂中使急召騎士守殷按甲不進莊宗獨領宦官斫射屢退
而騎軍終不至莊宗既崩守殷擁眾方在北却總于茂林之下迨
聞凶問乃入內選嬪御及珍寶以歸恐軍士劫掠京都翌日方定
率諸校迎明宗于東郊天成初授河南尹判六軍諸衛軍加侍中
移汴州節度使車駕將巡幸外議譴然初以為平吳又云制置東
諸侯守殷乃生雲夢之疑遂殺都校馬彥超副使宋敬

歐陽史守殷將
叛召都指揮使

馬彥超與計事彥超不從守殷殺之明宗
憐彥超之死以其子承祚為洛川長史

守殷驅市人閉壁以叛明宗途次京

水聞之親統禁軍倍程直抵其壘長圍夾攻繼城甚眾守殷力屈
盡殺其族引頸令左右盡其命王師入城索其黨盡誅之詔鞭守
殷尸梟首懸于都市滿七日傳送洛陽

楊立者潞州之小校初事李嗣昭及李繼韜皆畜養甚厚繼韜被誅憤憤失志同光二年四月有詔以潞兵三萬人戍涿州將發其衆謀曰我輩事故使二十年衣食豐足未嘗邊塞征行苟于邊上差跌白骨何歸不如據城自固事成自富貴耳因聚徒百餘輩攻子城東門城中大擾副使李繼珂及監軍張械祚出奔立自稱留後率軍民上表請旌節莊宗怒命明宗與李紹真攻討一月拔之生擒立及其同惡十餘人送于闕下皆磔于市潞州城峻而隍深故立輒敢據之莊宗因茲詔諸道撤防城之備焉

竇廷琬者世為青州牙將梁祖擢真左右同光初為復州遊奕使其盜屏蹟歷貝州刺史未幾請制置慶州鹽池逐年出絹十萬疋米十萬斛遂以廷琬為慶州防禦使俾制置之由是嚴刑峻法屢撓邊人課利不集詔移任于金州廷琬據慶州叛詔邠州節度使

李敬周率兵討平之夷其族

張虔釗遼州人也九國志云虔釗遼州榆社人父簡唐檢校尚書左僕射初為太原牙校以武勇聞

于流輩武皇莊宗之世累補左右突騎軍使九國志莊宗嘗以偏師取鎮陽其城明宗素聞虔釗有將帥才及即位擢為護駕親軍都指揮使

領春州刺史天成中與諸將圍王都于中山大敗契丹于嘉山之

下及定州平以功授滄州節度使北夢瑣言虔釗鎮滄州口因亢旱民饑登壇賑之方上聞帝甚嘉獎他日秋成倍斗徵斂朝論鄙之

移鎮徐州長興中為山南西道節度使兼西面馬步軍都部署及

末帝起于鳳翔閔帝詔令虔釗帥部兵會王師于岐下洎西師俱

變虔釗憤惋退歸興元因與洋州節度使孫漢韶俱送欵于蜀孟

知祥待之尤厚偽授本鎮節度使俾知祥坐獲山南之地由虔釗

之故也北夢瑣言入蜀取人產業贖貸無厭蜀民怨之孟昶嗣偽位加檢校太師兼中書令晉開

運末蜀人聞契丹入洛令虔釗率衆數萬將寇秦雍俄聞漢高祖

已定中原度釗無功而退九國志云歷左右匡聖馬步軍都指揮使出為昭武軍節度使及漢祖即位乃移鎮梁州以觀朝廷之變會晉昌軍節度使趙匡胤與節度使侯益俱謀歸蜀遂以度釗為北面行營討使應接經營俄而趙匡胤奉命出師掠定三秦因命度釗與韓保自等總師五萬出散關雄武軍節度使何重建出城自坂東去遂先退師時度釗福誠保負師次陳倉謙不相叶而侯益聞匡贊已去廷珪班師亦誠敗中變閉壘不出司天監趙廷樞累以雲氣不利為諷保負乃與福誠率所部取隴州道會重建歸蜀度釗留寶雞以勢孤不可深入遂班師行至興州感憤而卒

楊彥溫汴州人本梁朝之小校也莊宗朝累遷裨將天成中為河中副指揮使及末帝鎮河中尤善待之因奏為衙內都指揮使長興元年四月乘末帝閱馬于黃龍莊據城謀叛末帝遣人誥之曰吾善待汝何苦為叛彥溫報曰某非敢負恩緣奉樞密院宣頭令某拒命請相公但歸朝廷數日詔末帝歸朝明宗疑其詐不欲與兵授彥溫絳州刺史安重誨堅請出師即命西京留守索自通侍衛步軍指揮使藥彥稠等帥兵攻之五日而拔自閉門及敗凡十

三月初彥稠出師明宗戒之曰與朕生致彥溫吾將自訊之及收城斬首傳送明宗深怒彥稠等時議者以當時四海恬然五兵載戢藩非邊郡近在國門而彥溫安敢狂悖皆以為安重誨方弄國權尤忌末帝之名故巧作窺圖究莫能傾陷也彥溫愚昧為人所噬故滅其族焉

史臣曰春秋傳云夫不令之臣天下之所惡也故不復較其優劣焉唯度釗因避地以偷生彥溫乃為人之所噬比諸叛臣亦可矜也

舊五代史卷七十四攷證

唐列傳二十六朱守殷傳車駕將巡幸外議誼然初以為平吳又云制置東諸侯守殷乃生雲夢之疑遂殺都校馬彥超副使宋敬守殷驅市人閉壁以叛明宗途次京水聞之親統禁軍倍程直抵其壘長圍夾攻絕城甚衆守殷力屈盡殺其族引頭令左右盡其命案儒林公議云朱守殷與霍彥威同立明宗尋判諸軍事兼河南尹旋除宣武軍節度使時樞密使安重誨用事汴之財利遣中人筦權之守殷軍用不給累表抗論重誨既而復奪之守殷不平頗出怨言重誨奏其反狀明宗親率帥討之車駕至汴京守殷自以本無不臣之意為權臣誣奏登城門望明宗叩頭號哭稱寃明宗思其功許以開門自新重誨已麾軍登陴勢不可遏城陷誅之攷守殷之叛歐陽史通鑑與是書無

此頁文字極其模糊，難以辨認。僅能依稀看出一些零散的字跡，如“守殷”、“明宗”等字，但無法進行準確的OCR轉錄。

異辭而儒林公議以為守殷本無反心為重誨所陷盡傳聞之
互異也

楊立傳有詔以潞兵三萬人戍涿州業通鑑作安義兵三千

戍涿州

命明宗與李紹真攻討李紹真通鑑作李紹業

舊五代史卷七十四攷證

舊五代史卷七十四

晉書第一
高祖紀一

高祖聖文章武明德孝皇帝姓石氏諱敬瑄太原人也本衛大夫

碯漢丞相奮之後漢襄陽輔亂子孫流汎西裔故有居甘州者焉

四代祖瑛以唐元和中和與沙陀軍都督朱耶氏自靈武入附憲宗

追尊為睿皇帝廟號^號緒祖陵曰義陵祖妣^號氏追謚為睿安元

皇后三代祖柳早薨贈左散騎常侍追尊為睿簡皇帝廟號肅祖
陵曰惠陵祖妣安氏追謚為簡^恭皇后皇祖諱瑒任振武節度使
贈尚書右僕射追尊為睿平皇帝廟號睿祖陵曰康陵祖妣朱氏追

秦

陀

謚孝平獻皇后皇考諱紹雍番字泉振難善騎射有經遠大略
後唐武皇及莊宗累立戰功與國德威相亞歷平洛二州刺兗
平任贈大碑追尊為孝元皇帝廟號憲祖陵曰昌陵皇妣何氏追
謚孝元懿皇后帝即孝元之第二子也也唐景福元年二月二十
八日生於太原派陽里時有白氣充庭人甚異焉及長性沈澹寡
言笑讀兵書法李牧周亞夫行事唐明宗為汴州刺史每深心器
之因妻以愛女唐莊宗聞其善射擢居左右明宗請請練大軍從之
後明宗從莊宗征行命帝領親騎號三討軍倚以心腹天祐十
年莊宗併有河北之地開府于鄴梁遣上將劉勣以兵五萬營于
莘十三年二月鄴引兵突至清平薄于城下莊宗自至自陵其未
陣多為鄴所掩帝領十餘騎橫槊深入東西馳突無敵當者卒全
部位而還莊宗壯之折其背曰將門出將言不謬爾因頌以器帛

郭

唱
環

復親為唱蘇當時以為異恩由是知名明年鄴兵陣于莘之西北
明宗從莊宗酣戰久之塵埃四合帝與明宗俱陷陣內帝挺身躍
斂復友得轉鬪行數十里至鄴于故元城之東是日鄴軍殺傷過半
十五年唐軍拔楊州鎮梁將賀瓌設伏于蕪石山明宗為瓌所迫
帝與後殺破梁軍五百餘騎每營而還十一月莊宗與梁軍大戰
于胡柳陂梁號下萬總管周德威將左軍雜以燕人前鋒不利德
威死王莊宗率步眾五千守高陵以避敵之銳明宗獨完右廣
伏于土山之下顧謂帝曰梁人首獲其利旌旗甚整何計可以挫
之帝曰臘後寒如此出乎墮指祇多步眾易進難退莫若啜精飲
水徐而困之且起乘徒行其勢不掣一擊而破期在必勝明宗曰
是苦心也會日暮梁軍列于野五六萬人為一方陣麾蓋騎以
迫唐軍帝曰敵將遁矣乃請明宗令士整曹覓而羅之命左射軍

三百人鳴笳馳轉漸來其勢以數千騎合之迨夜旌旗皆靡而一角先潰三面墮之其牙竿相擊若火爆之聲橫尸積甲不可勝計由是梁人劫前在宗進營德勝渡十八年十月又從明宗戰梁人于德勝渡敗其將戴恩遠殺二萬餘人十九年戰胡盧套唐軍稍節帝親其敵銳校斂聞道看護明宗而退敵望之無敢襲者二十一年十月從明宗觀梁人三楊村寨部曲皆不擐甲候而敵出不意以兵掩明宗刃將及背帝挾鞍戰而進一擊而凶酋落馬者數輩明宗遂解其難是歲在宗即位于鄴改元同光遣明宗巡河懸軍深入以取鄆鄆人始不之覺帝以五十騎從明宗涉濟突東門而入鄆兵來拒帝中刃翼明宗羅兵通衢巖然不動會後騎繼至遂拔中城以據之既而汴水涸梁空致在宗一統集明宗大勳帝與唐末帝功居其最在宗朝官未顯者以帝不好矜伐故也惟

明宗心知五同光四年二月趙在禮據鄆為亂朝廷遣元行欽招之不下羣議紛然以為非明宗不可在宗乃以明宗為統帥時帝從行至魏諸軍有變即馬諸明宗帝河北明宗受霍彥威勸將自許于天子遂佯諾諸軍亦恐事不果而散者甚眾明宗所全者惟西常山一軍而已西次魏懸帝密言于明宗曰猶豫者兵家大忌必若求許宜決其行某願率三百騎先過汴水以探虎口如遂其心聖請大軍速進夷門者天下之要害也據之可以自固臣有上將與三軍皆變他日有平手乎危在頃刻不宜恬然明宗至相州遂分驍騎三百付之遣帝由黎陽濟河自汴西門而入因據其城及明宗入汴在宗親統師亦至城之西北五里登高歎曰吾不濟矣由此在宗從其大漢來歸明宗明宗尊遣帝命其為前鋒據汴水關城而在宗過其難而崩是月明宗入洛嘉帝之功自總管府都

校署既存其為雷後明宗即位改元天成五月加帝光祿大夫檢
校司徒充陝州保義軍節度使歲未期而軍民之政大治焉二年
二月加檢校大傅兼六軍諸衛副使進封開國伯增食邑四百戶
是月帝北闕以停六軍諸衛事也八月加食邑八百戶實封一
百戶益為殿之效也十月明宗幸汴以帝為御營使車駕次涼水
飛毅汴州節度使朱守殷叛明宗命帝董親軍信道星行信宿及
浚城一戰而拔之尋以帝為宣武軍節度使侍衛親軍步軍都指
揮使兼六軍諸衛副使進封開國公加食邑五百戶賜耀忠匡定
保節功臣四月車駕還洛制加檢校太傅同中書門下平章事與
唐尹勣都雷守天雄軍節度使五月丁未加駙馬都尉長興元年
二月明宗南郊禮畢加檢校太尉增食邑五百戶尋詔歸任時勣
都繁富為天下之冠而土俗橫悍民多爭訟帝命授函府門一

覽之及踰年益積凡案滯千獄者甚衆時論以此減之九月東川
董璋叛朝廷命帝為東川行營都招討使兼知東川行府事十月
至自魏博董衆西征二年春以川路險艱糧運不繼詔班師四月
復兼六軍諸衛副使三月改河陽節度使仍兼兵柄是時秦王從
榮奏伏見北面頻奏報契丹族移帳近塞吐渾使厥已侵邊地成
帥其雖多未有統帥早宜命大將一人以安雲朔明宗曰卿等商量
從榮與諸大臣奏曰將校之中惟石敬瑭康義誠二人可行帝素
不欲為禁軍之副即奏曰臣願此行明宗曰卿為吾行軍無不濟
及度詔不落六軍副使帝復遷延壽避十一月乙酉明宗復謂侍
臣曰雲州奏契丹自幽州移帳言就放牧終冬不退其患深矣樞
密侯延光奏曰已議石敬瑭與康義誠北行然其定奪即在宸
旨帝奏曰臣雖不才不敢避事但進退唯命明宗曰卿為吾行甚

叶衆議由是遂定丁亥加兼侍中太常卿北京留守河東節度使
兼大同振武彰國威塞等軍蕃漢馬步軍總管改賜竭忠匡運寧
國功臣翼日宴于中興殿帝捧觴上壽因奏曰臣雖微怯惟邊事
敢不盡其忠力但臣遠達玉階無以時申補報帝因再拜告辭明
宗位下露矜左右性其過傷果與帝因此為訣不復相見矣十二
月明宗晏駕帝聞之長慟若喪考妣應順元年正月明宗即位加
中書令及增食邑帝性簡儉未嘗以聲色滋味輒自燕樂每公退
必召幕客論民間利害及刑政得失明而難能事多親決有宿婦
與軍士訟之曝粟千門為馬所食而軍士懇訴無以自明帝謂鞠
吏曰兩訟未分何以為斷可殺馬割腸而視其粟有則軍士誅無
則婦人死遂殺馬賜無粟因戮其婦人境內肅然莫敢以欺事
言者三月移鎮常山所歷方鎮以孝治為急見民間父母昆弟

分素者必緇而殺之勤于吏事廷無滯訟常山屬邑曰九門有人
鬻地異君兄議價不足乃移于他人他人須兄立券兄固抑之
因許于令令以弟兄俱不義送府帝監之曰人之不義由牧長新
至教化所未能及者甚愧焉若以至理言之兄利良田弟不善價
順之則是但三則非其兄不義之甚也宜重笞焉市田以高價者
取之上下服其明及岐陽兵亂推潞王為天下閔帝急詔帝赴關
欲以社稷為託閔帝自洛陽出奔于衛相過于途遂與閔帝迴入
衛州時閔帝左右將不利于帝帝覺之因擒其從騎百餘人閔帝
知事不濟與帝長慟而別帝遣刺史王宏贊安置閔帝于公舍而
去尋為潞王所害帝後長以此愧心焉清泰元年五月復授太原
節度使北京留守充大同振武彰國威塞等軍蕃漢馬步總管二
年夏帝軍屯于忻州朝廷遣使送夏衣傳詔撫諭後軍人遂呼萬

樂

歲者數四帝懼斬挾馬將李暉已下三十餘人以徇乃止三年五
月移授鄆州節度使進封趙國公仍改天啓運中正功臣尋降
詔促帝赴任帝心疑之乃召僚佐議曰孤再受太原之命且明矣今天子用后族
宣云與卿北門一生無讎除改今忽降此命莫是以去年忻州亂
共見迫過相猜乎又今年于春節公主入覲當辭時謂公主曰爾
歸心甚急欲與石部反耶此疑我之狀固且明矣今天子用后族
委和臣沈面荒惑萬幾停壘失刑矣賞不亡何待吾自應順中少
主出奔之日觀人情大去不能扶危持顛憤之干市寸者三年矣
今我無異志朝廷自啓福機不可安然死于道路沉太原險固之
地積粟甚多若且寬我我當奉之必若加兵我則外告鄰邦北傳
強敵與之之數皎皎在天今欲發表種族以俟其意諸公以爲何
如玉堂閒話晉祖在并部嘗從容謂賓佐云近因晝寢忽夢若頃年在洛京時與天子連鑣于
路過舊茅天子請乘入其第吳遜讓者數四不得已即促駕而入至廳車下馬并自降階

軌

向而坐天子已馳車去矣其夢如此輩儻莫敢有所答是年冬
果有鼎革之事蓋晉祖懷不軌三志久矣故託夢以惑衆也掌書記桑維翰都押衙
劉知遠贊成密計盡拒末帝之命朝廷以帝不奉詔降制削奪官
爵即詔晉州刺史北面副招討使張敬達領兵圍帝于晉陽帝尋
命桑維翰詣諸道求援契丹遣人復書諾之約以中秋登次太
宗紀云

○救

七月丙申唐同果第度使石敬瑭與其主所討遣瑄營香將趙德鈞示
遣使至河東復遣桑維翰來告急遂許與師八月庚午自將以破敬瑭六月北面招收
指揮使安重榮以部曲數千人入城七月代州元將安元信率一
軍與西北面先鋒指揮使安審信引五百騎俱至八月懷州彰聖
軍使張萬迪等各率子餘騎來降是月外寇攻我甚急帝親當矢
石人心雖固廩食漸困九月辛丑契丹主率衆自鴛門而南旌騎
不絕五十里遼使九月丁酉入鴛門
成次忻州已亥次太原先使人報帝云吾欲今日使破
賊可乎帝使馳告曰皇帝赴難此舉成功賊勢至奪而明且隱
審議敦末烏晚也使未達契丹已與南軍騎將高行周答高御等

合戰時張敬達揚光遠列陣山下士未及成位而行同為鄉島
伏兵所斷舍軍而退敬達等步兵大敗死者萬人是夜帝出北門

執帝手曰恨會面三晚因論父子之義
盡史敬瑄

見帝執手撫慰之契丹國志云敬瑄見契丹帝曰皇帝遠來士馬疲憊遠望唐大敵而勝何也
帝曰始我謂唐必斷唐門路伏兵陰軍不可得進伏人偵視皆無之是以長驅而深入我氣方
銳乘此擊之是以明日帝與契丹圍敬達營寨南軍不復出矣帝與契

丹本無結好自未帝見迫之後遺腹心何福以刀錯為信一喜親
赴其難迅若流電信天意耶已西唐未帝率親軍步騎三萬出次

河橋辛亥未帝詔樞密使道延壽分衆二萬為北面招討使又詔

魏傳節度使范延光統本軍二萬人在遼州十月幽州節度使道

德鈞領所部萬餘人自上黨吳兒谷合延壽兵屯團柏谷與敬達

寨相去百里彌月竟不能相通盡史初圍晉安分遣精兵守其要害以
絕後兵之路道延壽等皆遲留不進十一月

契丹主會帝于營中曰我三千里赴義車須必成觀爾體貌恢廓

帝

識量深遠真國主也天命有屬時不可失欲稱蕃漢羣議冊爾為

天子帝飾讓久之既而諸軍勸請相繼乃命築壇于晉陽城南冊

帝為大晉皇帝契丹主解衣冠授焉盡史太宗紀十一年冬十月甲子封敬瑄
為晉王十一月丁酉册敬瑄為晉書

文曰維天顯九年歲次丙甲十一月丙戌朔十二日丁酉大契丹

皇帝若曰於戲元氣肇開樹之以君天命不恒人輔惟德故帝政

衰而周道盛秦德亂而漢圖昌人事天小古今靡異咨爾子晉王

神鍾膺哲天贊英雄叶夢日以儲祥應澄河而啓運迨事數帝歷

試諸艱武略文經迺由天縱忠規存萬國自生知微以眇躬奄有

北土暨明宗之享國也與我先哲玉保奉明契所期子孫順承忠

難相濟丹書未泯白日難欺顧予纂承匪敢失墜爾惟近戚實係

本枝所以子視爾若子爾待子猶父也朕昨以獨夫從珂不非公

族竊據寶圖棄義忘恩逆天暴物誅剪骨肉離間忠良聽任矯詔

威虐黎獻華夷震悚內外萌離知爾無辜為彼致害敢微哀旅來
逼嚴城雖併吞之志甚堅而幽顯之情何負達子聞聽深激憤驚
乃命興師為爾除患親提萬旅遠涉羣兇但赴急難困辭艱險果
見神祇助順卿士協謀頓一麾而棄甲卒山鼓三作而殪尸遍野
雖以遂身本志快彼羣心將期稅駕金河班師玉塞矧今中原無
主四海未寧茫茫生民若墜塗炭况萬幾不可以暫廢大寶不可
以久虛極弱旣焚當在此日爾有庇民之德格于上下爾有勳難
之勳光于區宇爾有無私之行通乎神明爾有不言之信彰乎非
燕子懋乃德嘉乃丕績天之歷數在爾躬是用命爾當踐皇極仍
以爾自茲并土首建義旗宜以國號曰晉朕永懷為父子之邦保
山河之誓於戲補百王之闕禮行茲盛典成千載之大義遂我初
心爾其永保邦民勉持一德慎乃有位允執厥中亦惟無疆之休

其誠之哉禮畢帝致嘆道從而歸始梁開國三歲即前唐天祐四
年也潞州行營使李思安奏壺關縣庶穰鄉之人伐樹樹倒自分
兩片內有六字如左書云天十四載石進梁祖今藏于武庫然莫
詳其義至帝即位識者曰天字取四字中而畫加之于旁則丙字
也四字去中之一而畫如十字則申字也帝即位之年乃丙申也又
易云晉者進也國號大晉皆符契焉文帝即位之前一年歲在乙
未鄰西有柵曰李國清渠合流在其側柵有橋橋下大鼠與蛇鬪
冬及日之申蛇不勝而死行人觀者數百識者志之後唐末帝果
滅于申又末帝真定常山人也有先人舊廬其側有石佛剎剎有
石像忽搖動不已人皆異之及重圍晉陽帝遣心腹伺福輕騎衣
援北蕃蕃主自將諸部赴之不以繪帛不以珠玉若響應聲謂福
曰吾已兆于夢皆上帝命我非我意也

契丹國志引紀異錄云契丹主德光常
畫寢夢一神人花冠美姿容鞞甚盛

忽自天而下衣白佩金帶執錫錄有異人十二隨其後內一黑兔入德光懷而失之神人語德
光曰石郎使人喚汝汝須去覺若其母母忽之不以爲異後復夢前神人也衣冠儀貌儼然如
教曰石郎已使人來喚汝既覺而驚復以告母母曰可命筮乃召筮筮言太祖從西樓來言中國
將立天王要爾爲助爾去求沃命唐石敬瑭反于河東爲後唐張敬瑄所敗亟遣趙瑩持表重
賂許割燕雲求兵爲援契丹主曰我
非烏石郎與師乃奉天帝教使也 時援兵未至僞將張敬瑄引軍逼城 設

柵柵將成忽有大風暴雨柵無以立後築長城城就又爲水潦所
壞城終不能合晉陽有北宮宮城之上有祠曰毗沙門天王帝嘗
焚修默而禱之經數日城西北圍正受敵寇軍候報稱夜來有一
人長丈餘介金靴步行于城上久去不見帝小異之又牙城有僧
坊曰崇福坊之廡下西北隅有泥神神之首忽一日有煙生其騰
郁如曲突之狀坊僧奔赴以爲人火所延及俯而視之無所有焉
車尋遂帝帝召僧之職高者問焉僧曰貧道見莊宗將得天下曾
有此煙觀此噴湧甚于當時非可知矣自此日帝多有五色雲氣
如蓮芰之狀帝召占者視之謂曰此驗應誰占者曰見處爲瑞更

應何人又帝每語且使慰撫守陴者率以爲常忽一夕已曉城上
有號分之聲聲不絕者三帝使人問之將吏云從上傳來者皆知
神助時城中復有數象井泉暴溢不止及蕃軍大至合勢破之未
帝之衆似拉朽焉斯天運使然非人力也是日帝言于契丹主願
以雁門已北及幽州之地爲壽仍約歲輸帛三十萬契丹主許之

舊五代史卷七十五攷證
晉高祖紀一本衛大夫碣漢丞相奮之後案歐陽史作其姓石氏不知其得姓之始
皇考諱雍紹雍原本作詔雍攷五代會要歐陽史俱作紹雍今改正
命帝領親騎三討軍三討軍歐陽史作左射軍
乃命築壇于晉陽城南案通鑑作築壇于柳林蓋史亦作設壇晉陽
歲次丙申十一月丙戌朔十二日丁酉案通鑑攷異引廢帝實錄契丹立晉誤在閏月丁卯辨正在唐紀歐陽史及通鑑並從晉紀作十一月丁酉
四字去中之兩畫案原本作中去之兩畫今從冊府元龜改正

舊五代史卷七十五攷證

晉高祖紀一本衛大夫碣漢丞相奮之後案歐陽史作其姓石

氏不知其得姓之始

皇考諱雍紹雍原本作詔雍攷五代會要歐陽史俱作紹雍

今改正

命帝領親騎三討軍三討軍歐陽史作左射軍

乃命築壇于晉陽城南案通鑑作築壇于柳林蓋史亦作設壇

晉陽

歲次丙申十一月丙戌朔十二日丁酉案通鑑攷異引廢帝實

錄契丹立晉誤在閏月丁卯辨正在唐紀歐陽史及通鑑並從

晉紀作十一月丁酉

四字去中之兩畫案原本作中去之兩畫今從冊府元龜改正

尚書禮部侍郎知樞密院事以觀察判官薛融為吏部郎中兼侍
御史知雜事太原縣分羅周兵為左諫議大夫節度推官竇貞固
為翰林學士軍城都巡檢使劉知遠為侍衛馬軍都指揮使客將
景延廣為步軍都指揮使太原少尹李杞為尚書工部侍郎閔十
一月甲子晉安寨副招討使楊光遠等殺上將張敬達以諸軍來
降丙寅制以翰林學士承旨知河東軍府戶部侍郎知制誥趙瑩
為門下侍郎同中書門下平章事監修國史以翰林學士權知樞
密軍禮部侍郎知制誥桑維翰為中書侍郎同中書門下平章事
集賢殿大學士依前知樞密院事並賜推忠興運致理功臣甲戌
車駕至昭義受趙德鈞延壽降是日契丹主舉酒謂帝曰予遠來
赴義大事已成皇帝須赴京都今大詳哀勒兵相送至河梁要
過河者任意多少予亦且在此州俟洛京平定便當北轅執手相

泣久不能別脫白貂裘以衣帝贈細馬二十匹戰馬一千二百匹
仍誡曰子子孫孫各無相忌已卯至河陽北節度使莫從簡來降
舟楫已具疾辰望見洛陽煙火相次有將校飛請進幸已唐末
帝聚其族與親將未審度等登元武樓縱火自焚而死至晚車駕
入洛唐兵所用符罪皆赦而舍三帝止潛龍舊第百官稍稍見馬
詔御史府促朝官入見詔文武兩班臣僚應奉儀廷者並釋罪是
日百辟謝恩于宮門之外甲申車駕入內御文明殿受朝費用唐
禮樂制大赦天下唐中外諸色職掌官吏內曾有受偽命者一切
不問仍延賊臣張延朗劉延皓等並毒邪害物貪狠弄權
罪既滿盈理難容貸除此三人已行殺命指揮外其有辜臣馬允
孫樞密使房曷宣徽使李專美河府節度使韓昭允等四人並令
釋放少帝宣令中書門下追尊定諡擇日禮葬妃孔氏宣行追冊

附尋應天下節度使刺史下賓席郡職及將校等委中書門下各
與改轉官資其北京管內鹽鐵戶合納逐年鹽利非者偶命指揮
每斗須令人戶折納白米一斗五升極知百姓艱苦自今後宜令
人戶以元納食鹽石斗數同每斗依實價計足錢數取人戶便穩
折納斛其洛京管內逐年所配人戶食鹽起來年每斤特與減
價錢十文應諸道商稅仰逐處將省司收稅條例勝于本院前
勝內該設名目者即得收稅十二月七酉朔奉向陽錢送大詳衣
審部兵士歸國詔降末帝為燕人丁亥制以司空馮道守本宮兼
門下侍郎平章事去文館太學士以步軍都指揮使符彥饒為滑
州節度使以河陽節度使葛從簡為許州節度使以澤州刺史劉
凝為華州節度使以皇子重又為河南尹庚寅以滑州節度判官
石光贊為正鄉奉仰以舊相姚顛為刑部尚書持自秋不雨經

冬無雪命羣官備加祈禱癸巳以邠州節度使張希崇為靈武節
度使鄧州節度使皇甫遇為定州節度使詔國朝文物制度起居
入閣宜依唐明宗^朝例施行鎮州衙內都虞候秘瓊作亂逐^副
使李彥琦殺都指揮使胡章回州小校門鐸殺節度使楊漢廣燒
劫州城西中帝宣明宗皇右曹氏薨舉哀于長春殿輟朝三日詔
封故東丹王李贊華為燕王遣前單州刺史李肅部署歸葬本國
以右拾遺吳涓為左補闕充樞密院學士己亥以汴州節度使李
周元西京番守以前河中節度使李從璋為鄧州節度使磁州奏
草寇攻城三日而退庚子帝為皇弟故彰聖指揮^使殷沂州指
揮使敬德檢校太子賓客敬友舉哀于長春殿以舊相盧文紀為
吏部尚書以皇城使周環為大將軍充三司使以左贊善大夫馬
重績為司天監青州奏節度使房知溫奉詔鄆州王建立以所部

部

牙兵住青州安無中書門下奏請以來年二月二十八日帝慶誕
日為天和節從之
天福二年春正月甲寅朔帝御文明殿受朝賀仗衛如式乙卯日
有食之是夜有赤白氣相聞如耕墾竹林之狀自亥至丑生北濁
過中天明滅不足福二十八宿微曙方散丁巳故皇弟敬德敬殷
並贈太傅皇子重又重進重英並贈太保右神武統軍康恩立卒
輟視朝贈太子少師是日詔曰唐莊宗陵召與國諱同宜改為伊
陵帝京畿及諸州縣舊有唐朝諸帝陵并真隰等縣並不為次亦
部以畿甸緊望為定其逐處縣今不得以陵臺結銜者滿日依出
選門官例指揮隔任後準格例施行其宋州毫州節度使刺史落
太清宮使副各額庚申以前吏部郎中兼侍御史知雜事王松為
左諫議大夫水部郎中王易簡本官知制誥定州奏契丹改出州

和

為南京中書奏請立宗廟從之以翰林學士工部侍郎知禮
部侍郎依前充職詔內外文武臣僚並與加恩皇基初造示普恩
也太子少保致仕華溫琪卒贈太子太保是日詔應朝臣中有籍
才特除外任者秩滿無遺闕將乘擬官之時在外一任同在朝一
任升進其就便自求外職及不是特選任者不在此限安門上
言節度使盧文進殺行軍副使李部下親兵過淮以前天平軍節
度使檢校太尉兼侍中王建立為平盧軍節度使以守司空門下
侍郎平章事宏文館大學士馮道兼諸道鹽鐵轉運等使天雄軍
節度使兼中書令范延光改封秦國公加食邑實封鳳翔節度使
兼中書令西平王李從暉加食邑實封乙丑以端明殿學士禮部
侍郎呂琦為檢校工部尚書祕書監而寅改中興殿為天福殿門
名從之湖南節度使楚王馬希範加食邑實封改賜功臣名號前

昭義節度使檢校太傅同平章事高行周起復右金吾衛大將軍
依前昭義軍節度使秦奉寧軍節度使李從溫邢南節度使南平王
高從誨歸德軍節度使趙在禮並加食邑實封改功臣名號以端
明殿學士戶部侍郎李崧為兵部侍郎判戶部以左諫議大夫王
松判度支魏府范延光奏當管夏津鎮捕賊兵士誤殺郟鄏齊州
防禦使秘瓊初延光將萌異志使人潛結于瓊諾之及是以瓊背
其謀密使精騎殺之由是延光反狀明矣以工部侍郎李玘檢校
右僕射為汾州刺史以前彰國軍節度使尹暉為左中衛上將
軍是日詔曰西天中印西摩竭施舍衛國大菩提寺三藏河間梨
沙門室利縛囉宜賜號宏梵大師庚午涇州節度使李德瓌徐州
節度使安壽威奏明節度使宋禧延州節度使劉景巖襄州節度
使安從進夏州節度使李彝殷並加食邑實封至中正衙備禮冊

贈故皇弟皇子等丙子故契丹人皇王歸善報視朝一日改汴州
雍邱縣為杞縣避廟諱也戊寅以兵部侍郎判戶部李崧為中書
侍郎同中書門下平章事充樞密使以權知樞密使事中書侍郎
同中書門下平章事集賢殿學士桑維翰為樞密使是日詔曰應
天開國恭已臨人宜尊繼絕之恩以廣延洪之道宣于唐朝宗屬
中取一人封公世襲兼隔之鄒公為二王後以後周介公備三恪
主其祭祀及北大朝會五代會要載原教之其唐制宗屬中書在朝及諸道為官
者各據資歷考限隔日從品級序遷已有出身任分參選以
前鎮國軍節度使皇甫立為神武統軍以前宗正卿李郁為太子
賓客庚辰以吏部侍郎龍敏判戶部二月丙戌以尚食使安友規
充莽明宗皇右監護使以河陽節度使安審暉為鄆州節度使癸
巳詔停北京西北面討度司事吳越國王錢元瓘加食邑實封改
賜功臣名號己亥詔應諸道行軍副使等得替後且就私家取便

安止限一年後方得赴闕當便與此擬至黃詔應詣道馬步都虞
候自今後朝廷更不差補委自藩方于本州衙前大將中慎選久
歷事任曉會刑獄者充以三年限仍不得于元隨職員內差補以
左散騎常侍孔昭存為太子賓客尚書左僕射判右僕射盧質
並加食邑實封甲辰以滄州留後馬全節為橫海軍節度使以太
子賓客韓暉為貝州刺史左羽林統軍羅周敬為右金吾衛上將
軍丙午以皇子左驍衛上將軍重信為檢校太保河陽三城節度
使以權知河陽軍州軍固瓌為安州節度使詔中外臣僚或因差
使出入並不得薦屬人于藩鎮希求軍任如有犯者並準唐長興
二年敕條處分戊申中書舍人陳又改左散騎常侍應在朝之武
百僚及見任刺史先代未封贈者與加封贈毋妻未敘封者並與
敘封辛亥天和節帝御長春殿召左右衛僧錄威儀殿內譚經循

舊式也三月甲寅制北京留守太原尹皇子重貴封食邑三百戶
刑部侍郎張鵬改兵部侍郎己未御史臺奏唐朔定分式南衙常
參武百僚每日朝退于廊下賜食謂之常食自唐末亂離常食
漸廢仍于入閣五日賜食每入閣禮畢閣門宣致仗羣官俱拜
詔三謝食至偽主滿泰年中入閣禮畢更差中使至正衙門戶宣
賜食百官立班重謝此則文失唐朝賜食之意于禮實為太煩臣
恐因循漸失根本起今後入閣賜食望不差中使口宜準唐明宗
朝事例處分從之五代會要載其于四月御史臺奏文武百官每月朔望入閣禮畢賜食
食在京時祇于廟堂幕次兩廊下今在行朝于正衙門外權為幕次房廊
隘狹伏恐五月一日朝會禮畢準例賜食于幕次難為排比伏見唐明宗時兩省官于文明殿前
賜食今未嘗入閣日權于正衙門內兩廊下排比賜食為復別有處方救宜依明宗時舊規廊下賜食
中書奏準敕庶人三月七日以王禮葬其妻男等並以禮葬請
敕其日朝參一日從之以宣徽南使伏楊彥詢為左監門衛上將
軍依前充宣徽使充門李從溫奏節度副使王謙構軍士作亂尋

已處置丙寅詔王者省而殺教靡憚于勤勞養士撫民必從其宜
便顧惟涼德肇啓丕圖常務若于煩苛冀漸臻于富庶念京城做
擾之後屬舟船焚蕪之餘饋運頓虧支費殊闕將別謀于飛輓慮
轉因于生靈以此疚心未嘗安席今以夷門重地梁苑臨水陸
交通舟車畢集爰資經度須議極巡寧免暫勞所期克濟取今月
二十六日巡幸汴州通鑑延光聚乎結兵卷百巡內刺史集魏州將作亂會帝謀
富饒今延光反形已露大梁距魏不過十驛彼若有變大軍專至
所謂疾雷不及掩耳也丙寅下詔託以洛陽舊運有關東巡汴州
以前具州刺史史至
為刑部侍郎充諸道鹽鐵轉運副使前澤州刺史閻至為戶部待
郎詔津駕經過州府管界所有名山大川帝王陵廟名臣祠墓云
路十里者令本州排比祇候駕經過日以酒脯祭告左僕射劉昫
等議立宗廟以立高祖已下四親廟其始祖一廟伏候聖裁御史
中丞張昭遠議請依隋唐之制立四廟推四世之中名位高者為

太祖詔下百官定議百官請依唐廟追尊四廟為定從之甲戌以
石龍武統軍楊思權為左衛上將軍乙亥前廊明節度使張萬進
加檢校太傅前宋州節度使李從敏加檢校太尉以吏部郎中兼
侍御史知雜事薛融為左諫議大夫以兵部郎中段希堯為右諫
議大夫戊寅以戶部尚書王權為兵部尚書工部尚書崔居儉為
戶部尚書兵部尚書李彝為太子少保兵部尚書致仕裴皞為工
部尚書東上閣門使李守貞為右龍武將軍充職庚辰車駕離京
四月癸未朔至鄭州防禦使白景友進牲饗器四帝曰不出民力
否景友曰臣畏陛下法皆耕于己俸命收之甲申駕入汴州丁亥
制應天福二年四月五日昧爽已前諸道州府應係殘欠租稅並
下罪無輕重並釋放天福元年已前諸道州府應係殘欠租稅並
特除免諸道係徵諸色人欠負省司錢物宜令自偽情泰元年終

已前所欠者有據所通納到物業外並與除放非者行至鄭州榮陽
縣界路旁見有蟲食及早損桑麥處委所司差人檢覆量與蠲免
租稅河陽管內西戶百姓應欠天福元年閏十一月二十五日已
前未數年額錢並放其諸處應紐兵火者亦與指揮當罪即誅
武明常典既往可憫宜示深仁偽清秦中臣僚內有從誅戮者並
許收葬天下百姓有年八十已上者與免一子差徭仍逐處簡署
上佐官果故滑州節度使王彥章勅命當時致身所奉棄今年之
正氣流百代之令名宜令超贈太師子孫量才敘錄應諸道州府
管界有自偽命抽點鄉兵之時多是結集劫盜因此畏懼刑章藏
隱山谷宜令逐處曉諭招攜各令復業自今年四月五日已前為
非者一切不問如兩月不歸業者復罪如初丁酉宣武軍節度使
侍衛親軍使楊光遠加兼侍中己亥陝州節度使侍衛都虞候列

知遠加檢校太保庚子北京鄴都徐充二州並奏早詔今後立此
及科免三公宰相及命將封親王公主宜令並降制命餘從令式
處分夏五月壬子朔帝禦崇元殿受朝賀仗衛如式詔洛京魏府
管內所徵今年夏苗稅物等宜放五分之一以徵旱故也丙辰御
史中丞張昭遠奏汴州在梁室朱氏稱制之年有京都之號及唐
莊宗平定河南復廢為宣武軍至明宗行幸之時掌事者因緣修
葺衙城遂挂梁室時宮殿門牌額當時識者或竊非之一昨車駕
省方暫居梁苑臣觀衙城內齋閣牌額一如明宗行幸之時無都
號而有殿各恐非典據臣竊尋秦漢已來寰海之內鑿與所至多
立宮各近代隋室于楊州立江都宮太原立汾陽宮岐州立仁壽
宮唐朝于太原立晉陽宮回州立長春宮岐州立九成宮宮宮中殿
閣皆題署牌以類皇居請準故事于汴州衙城門權挂一宮門牌

閣

額則餘齊閣並可取便為名殺行閣宜以大寧宮為名湖南青草
 廟舊封安流侯進封廣利公回庭廟進封靈濟公嘉石廟舊封昭
 靈侯進封威顯公黃陵二妃廟舊封懿節廟改封昭烈廟從馬希
 範之請也戊午午以前成德軍節度判官張彭為太府卿壬戌詔在
 朝文武臣僚每人各進封事一件仍須實封通進務裨闕政用副
 盧懷甲子以虞部郎中知制誥于嶠為中書舍人以戶部郎中于
 造為虞部郎中知制誥太子少保致仕朱漢賓贈司空乙丑六
 宅使王繼宏送義州衙前收管前洛州團練使高信送復州收管
 二人于崇禮門外喧嘩為臺司所劾故也戊辰翰林學士戶部員
 外郎知制誥誥竇貞故國改工部郎中知制誥翰林學士都官郎中知
 制誥李慎儀改中書舍人仍賜金紫並依舊充職庚午制封皇第
 二十一女為長安公主封皇第十一妹為壽安長公主皇第

二十妹史氏為永壽長公主皇第十一妹杜氏為樂平長公主壬
 申天雄軍節度使守太僕兼中書令興唐尹范延光進封臨清王
 加食邑三千戶鳳翔節度使檢校太師兼中書令西平王李從暉
 進封岐王丙子平盧軍節度使兼中書令王建立進封臨淄王昭
 信軍節度使侍衛馬軍都指揮使景延廣改寧江軍節度使與軍
 如故太常卿梁文矩奏定四廟諡號廟號太常少卿裴垣奏
 定四廟皇后追尊諡號從之戊寅以中書舍人權知貢舉王延為
 御史中丞以翰林學士戶部侍郎知制誥崔悅為兵部侍郎充承
 旨以翰林學士承旨兵部侍郎程遜為檢校禮部尚書太常卿以
 檢校禮部尚書太常卿梁文矩為吏部尚書以御史中丞張昭遠
 為戶部侍郎以吏部尚書盧文紀為太子少傅己卯詔太社內先
 收掌唐朝罪人首級等宜令骨肉或先舊僚舊收葬其喪葬儀任

不得過制六月壬午朔制宗正卿石光贊奏榮陽道左有萬石君
石奮之廟德行懿美宜示封崇用先遠祖之徽猷益茂戎朝之盛
典贈奮大傅奏未契丹使伊勒希^巴來聘致馬二百匹及人參貂
鼠皮走馬木棍等物乙酉翰林學士司封員外郎知制誥王仁裕
改都官郎中右贊善大夫盧損改右散騎常侍前有朝服改也以
祕書少監致仕劉頎為鴻臚卿致仕^光錄少卿尹至羽以少府
監致仕丙戌宰臣李崧上表讓樞密使于道^鑿鑿以鑿佐命之元臣
也詔不允以前義成軍節度使李壽為左武衛大將軍以左散
騎常侍唐四為檢校禮部尚書國子祭酒以前左龍武統軍李未
約為左驍衛上將軍戊子宰臣道鑿自契丹使廻奏已東都奏煙
澗河溢壞金沙灘內舍屋出^川道思溫奏瀛莫兩州元係常道具
刺史常行固白壽球乞發遣至臣本府詔遣行固等赴闕甲午六

宅使張言自魏府迴奏范延光叛命滑州符壽鏡飛奏有兵士自
北來傳范延光到黎陽乞發兵^德宣遣客省使李守貞往延光
所問罪尋命護聖都指揮使白奉進領騎士一子^上百赴白馬渡
巡檢乙未魏府范延光男閑^侯守圖送御史臺攝判南陽^節度行
軍司馬檢校太保歸州刺史王保義加檢校太傅知武泰軍節度
觀察番後充判南行軍司馬兼沾淮巡檢使襄州奏江水漲一丈
二尺丁酉遣內班史進能押信箭一對往滑州賜符壽鏡以前磁
州刺史劉審文為魏府計度使以東都巡檢使張從賓充魏府西
南面都部署遣侍衛使楊光遠領步騎一萬赴滑州以東都副番
守張延播充洛京都巡檢使白奉進奏捉得賊李張柔稱范延光
差遣州刺史馮暉充一行都部署元^從都押衙孫銳充一行兵馬
都監帝覽奏詔傳臣曰朕雖寡德寡謀自謂不若延光之下而馮

暉孫銳過于兒戲朝夕就擒安能抗拒大軍為我之患乎天子軍
常度使安審琦起復舊任翰林字士禮部侍郎和凝改端明殿學
士乙巳范延光差牙將王知新齎表到闕不令朝見收付武德司
丁未詔侍衛使楊光遠充魏府西面都部署以張從賓充副兼諸
軍都虞候昭義節度使高行周充魏府西面都部署是日張從賓
亦叛與范延光協謀害皇子河陽節度使重信皇子東都留守重
又已西以奉國都指揮使侯益鎮聖都指揮使杜重威鎮步騎五
子往屯汜水關備從賓之亂也通鑑七月張從賓攻汜水關殺巡檢使宋廷浩帝
曰賊鋒難盛勢不能久請七月辛亥兩浙錢元瓘奏帝吳越士容馬步諸
軍都指揮使薛海軍節度使元球非時入府欲謀為腰膈下搜得
匕首已誅數訖詔削元球有身官爵甲寅奉國都指揮使馬萬秦
滑州節度使符彥鏡作亂屠害侍衛馬軍都指揮使白奉進尋以

都

所部兵擒到彥鏡差五切都虞候方太押送赴闕尋賜死于路是
日削奪范延光在身官爵以馬萬秦為滑州節度使以昭義節度使
高行周為河南尹東都留守元西面行營諸軍都部署以護聖左
右廂都指揮使杜重威為昭義節度使兼侍衛馬軍都指揮使充
西面行營副部署以奉國都指揮使侯益為河陽節度使以右神
武統軍王周充魏府行營步軍都指揮使以滑州節度使馬萬秦
魏府行營馬軍都指揮使以左僕射劉昫充東都留守兼判河南
府事杜重威等奏收汜水關破賊千人張從賓及其殘黨奔投
入河東收獲到護聖指揮使曹再晟一百人騎稱背賊投來並送赴
行圍行貝州為防禦使額皇子故東都留守重又贈太傅皇子故
河陽節度使重信贈太尉秋明助張從賓逆人張延播張繼祚等
十人宜令收捕親的骨肉並處斬丁卯以唐開府儀同三司守太

關

尉兼中書令西平王李晟五代孫職為耀州司戶參軍示勸忠之
義也至中帝御崇元殿備禮冊禮四廟親授寶冊于使攝太尉守司
空門下侍郎平章事馮道使副攝司徒守工部尚書裴皞赴洛京
行禮甲戌以掌臣趙瑩判戶部以吏部侍郎判戶部部龍敏為東都
副番守詔洛京番司百官並赴闕每州軍亂指揮使王暉善節度
使周瓌于理所遣右衛上將軍李全全領千騎赴安州八月辛巳
以許州節度使裴從簡為徐州節度使以陝州節度使侍衛馬步
軍都虞候劉知遠為許州節度使以權北京番守徐州節度使
彥威為太原尹北京番守河東節度使宰臣監修國史趙瑩奏請
循近切依唐明宗朝凡有內廷公事及言動之間委端明殿學士
或樞密院學士侍立冕旒繫日編錄逐季送當館其百司公事亦
望逐季送當館旋西編修日歷從之丁亥以前來州節度使李從

敏為陝州節度使戊子以尚書左丞鄭勣先為戶部尚書致仕改
元德殿為廣政殿門名從之庚子華州奏渭河泛溢害稼宰臣馮
道加開府儀同三司食邑實封左僕射判胸加特進兼鹽鐵轉運
等使故東都番守判官李遐追贈右諫議大夫其母田氏封京兆
郡大君子孫量才敘錄仍加贈贈長給遐在身祿俸終母之世先
是遐監左藏庫于洛陽會張從賓判合強取錢帛遐拒而不與因
而遇害故有是命乙巳詔天下見禁囚徒除十惡五逆故火劫舍
持仗殺人合造毒藥官典犯賊文員官錢外其餘不問輕重已發
覺未發覺已結未結正並從釋放應自張從賓作亂已來有會
被張從賓及張延播脅從梁汴者及符彥饒下隨身軍將等兼在
州王暉從黨除已誅戮外並從釋放一切不問張繼祚在喪紀之
中承逆望之意顯從叛亂難貸刑章乃曠先臣實有遺德遠茲之

序

祀深所軫懷其一房家業準法雖已藉沒所有先臣并祖父母墳
莊祠堂並可交付骨肉王張應自梁朝後唐已來前後奉使及北
京沿邊管界擄掠往北人口宜令官給錢物差使齋持往彼收
贖放歸本家云繼祚故齊王金義之子也故有是詔丙午詔天下
刑獄繫囚染疾者宜差醫工治療官中量給藥糧奉輕者仍許家
人看候合杖看候預日伏遣九月庚戌朔以前太府卿兼通事舍
人陳瓊為衛尉卿兼通事舍人王子故安遠軍節使國瓌贈太
傅甲寅皇子北京番守知河東軍府奉太原尹重貴加檢校太保
烏右金吾衛上將軍以右龍武統軍安崇院為右衛上將軍以前
保大軍節度使檢校太傅張萬進為右龍衛軍統軍以右龍軍衛
上將軍權知安州軍節奉李金全為靈武軍節度使魏府招討使
楊光遠進攻城固丙午以太子賓客孔昭魯為工部尚書致仕將

作少監高鴻漸上言伏觀近年已來士庶之家死喪之苦常殯葬
之日被諸色音聲伎藝人等作樂攪擾未寬錢物諸行止絕從之
庚申辭江軍節度使檢校太尉同平章奉馬希杲加階爵及功臣
各號以前兵部侍郎楊凝式為檢校兵部尚書太子賓客故百金
若衛上將軍羅國敬贈太傅乙丑鄧州節度使李從璋奉贈太師
段興唐府為黃香府興唐縣為黃香縣癸酉以左諫議大夫判度
支王松為尚書工部侍郎甲戌貝衛兩州奏河溢害稼乙亥以將
作監王岷為太子賓客十月壬午以宣徽南院使左監門衛上將
軍楊彥詢為鄧州威勝軍節度使詔選人試判兩道以左司郎中
張瑑為右諫議大夫以刑部侍郎鹽鐵轉運副使史圭為吏部侍
郎以曹州刺史宋光業為宣徽北院使以左金吾衛大將軍高漢
筠為左驍衛大將軍元亨容省使以宣徽北院使左驍衛大將軍

列處議為左監門衛上將軍充直徽南院使而遣使祀五嶽四
瀆故天平軍節度使閻寶進封太原郡王故大同軍節度使李存
璋贈太師故瀛州刺史李嗣顏贈太尉故相州刺史史建瑭故代
州刺史王建及並贈太保故幽州節度使周德威進封燕王十一
月庚戌賜楊光遠空名官告自司空至常侍凡四十道將士立功
者得補之而後奏中書上言準^唐貞元二年九月五日敕文武充
翰林學士及皇太子諸王侍讀武官充禁軍職事並不常朝參具
在三館等諸職事者並朔望訖各歸所務自累朝以來文武在內
廷充職兼判三司或帶職額及六軍判官等例不赴常朝元無在
教集近敕^文武職事官未升朝者極舊制並赴朔望朝為具翰林
學士侍讀三館職事望準元敕^分其諸在內廷諸司使等每受
正官之時來赴正衙謝後不赴常朝大朝會不離禁廷位次三司

朝參

參

朝

職官免常朝惟赴大朝會其京司未升朝官員祇赴朔望朝參帶
訪司職掌者不在此例文官除端明殿翰林學士樞密院學士中
書省知制誥外有兼官職者仍各發遣本司公事從之丙辰太
子賓客王岷卒改潞京潛龍宅為廣德宮北京潛龍宅為興義宮
戊午中書奏準雜令車駕巡幸所祇承者賜會並同京官從之戊
辰鎮海鎮東節度使吳越王錢元瓘加天下兵馬副元帥封吳越
國王庚午以右拾遺李濟充翰林學士甲戌命大常卿程遜兵部
員外郎韋枕充吳越國王加恩使丙子以戶部侍郎張昭遠守本
官充翰林學士仍知制誥丁丑湖南馬希範貢寶裝龍鳳器用結
銀花果子等物帝覽之謂侍臣曰奇巧傷心斯何自但以來遠
之道不欲阻其意聞者股之壬午安州李金全上言奉詔抽臣元
隨在都押衙胡漢筠其人染重病候損日赴闕漢筠本滑州人也從

金全歷數鎮而濫聲誼聞帝知之欲授以他職免昭功臣漢揚懼其罪遂託疾由是勸金全貳于朝廷自此始也十二月以監察御史徐台符為尚書膳部員外郎知制誥以右補闕史官修撰吳承範為尚書屯田員外郎知制誥左諫議大夫薛融改中書舍人辭而不拜尚書水部郎中知制誥王易簡改中書舍人改瀧西郡王李嗣昭追封驍王改橫海軍節度使在審通贈太師辛丑兩節度使兼中書令楚王馬希範加食邑實封改賜杖天佐運司德致理功臣甲辰車駕幸相國寺祈雪

舊五代史卷七十六

...

舊五代史卷七十六

晉高祖紀二甲戌車駕至昭義案歐陽史及通鑑並從是書作甲戌至潞州蓋史作辛未與是書異已卯至河陽北案是書唐紀作庚辰晉帝至河陽蓋史又作辛巳並與此紀異通鑑作己卯與此紀同乙卯日有食之案五代春秋正月乙卯朔日食通鑑異引十國紀年蜀人亦以乙卯為朔蓋晉人避正朔日食故改甲寅朔耳

定州奏契丹幽州為南京南京歐陽史作燕京通鑑蓋史契

丹國志並作南京

安州上言節度使盧文進殺行軍副使率部下親兵過淮案盧

文進棄鎮奔吳通鑑作元年十二月丑代春秋歐陽史作二年

正月與是書同

洞庭南進封靈濟公 案洞庭南不載舊封疑有脫文攷五代會

要十國春秋並與是書同

為右廟舊封昭靈侯進封威顯公 威顯公五代會要作廣利威

顯公

以奉國都指揮使侯益為河陽節度使 案宋史侯益傳晉祖名

益謂曰宗社危若綴旒卿能為朕死耶益曰願假銳卒五千人

破賊必矣以益為西面行營都部署據是書高行周為都

署杜重威為副部署不言侯益為副部署與宋史異

杜重威等奏收下汜水關破賊千人張從賓及其殘黨奔投入河

案宋史侯益亭禁兵數千人次虎牢從賓軍萬餘人夾

汜水而陣益親鼓士乘之大敗其眾擊殺殆盡汜水為且不流

之

賊

從賓乘馬入河溺死據是書祇言殺賊千人與宋史異

安州軍亂指揮使王暉害節度使周瓌干理所 案王暉害周瓌

五代春秋通鑑俱不書日既陽史作丙子是書作甲戌諸史所

載俱異

畢

相

大詳案舊作大相溫今改 伊勒希也舊作夷離曷今改

南第度使高從誨加食邑。封戊子翰林學士李齡賜緋魚袋。以
尚書屯田員外郎知制誥吳承範為庫部員外郎。充樞密院直學
士。乙未御札曰。曾有宣示百官。令進封奉。今據到者未及十人。朕
雖無德。自行赦後。已是數月。至于假年。于人也。合各有一件事。數
奏食錄。不朝堂。當如是言。而不用朕所甘心。用而不言。誰之責也。
丙申制武清軍第度使馬希萼。改威武軍第度使。辛丑中書上言。
禮經云。禮不諱嫌。各二名。不偏諱。臣云。嫌名謂音聲相近。若禹與
丙邨與區也。二名。不偏諱。謂孔子之母名徵。在言在不稱。徵言徵
不稱。在此百禮也。唐太宗二名。並諱。明皇二名。亦同人。姓與國諱
音聲相近。是嫌名者。亦改姓氏。與古禮有異。南諱。予聲字。即不諱
餘三聲。諱側聲。即不諱。予聲字。所諱字。正父及偏旁。闕點畫。望依
今式施行。詔曰。朝廷之制。今古相承。道在人宏。禮非天降。方開歷

私在

數度奉祖宗雖踰孔子之文。未夾司公之訓。竹鳥二名。及嫌名。事
宜依唐禮施行。宋太宗有史臣翰。碑立于福八年。翰。字也。碑于。唐乙乙
天和第宴。近臣于廣。改。三月戊午。鴻臚卿利頎。奉贈太子賓客。
壬戌。東上園門。依使前司農卿蘇繼顏。改鴻臚卿。充職。同鵬。可汗王
仁美。進野馬。獨峯駝。玉團。碾砂等物。甲戌。永壽長公主薨。報朝
一日。故涇州第度觀察。留後。盧頊。密贈右驍衛上將軍。丁丑。詔禁
止。私下。打造鑄。瀉銅器。四月丁亥。以尚書吏部侍郎。盧誓。為尚書
左丞。中書舍人李訢。詳上疏。請沙汰。日朝文武臣僚。以減冗食。仍條
貫。藩候。郡守。凡過。博恩。不得多奏。衙前職員。番。邀恩。澤。疏。奏。嘉三
戊子。宣。武。軍。第。度。使。侍。衛。親。軍。馬。步。軍。都。指。揮。使。廣。晉。府。行。營。都。指
討。使。楊。光。遠。加。兼。中。書。令。昭。義。軍。第。度。使。侍。衛。馬。軍。都。指。揮。使。廣。晉
府。行。營。都。指。揮。使。杜。重。威。河。陽。第。度。使。兼。本。國。左。右。廂。都。指。揮。使。

廣晉府行營馬步都虞候侯益並加檢校太傅鳳翔節度使檢校
太師兼中書令岐王李從暉進封秦王平盧軍節度使檢校太尉
兼中書令臨淄王王建立^進封東平王甲午秦寧軍節度使李從
溫西京留守京兆尹李周歸德軍節度使趙在禮並加兼侍中是
月諸道藩侯郡守皆等第加恩改雍熙樓為章和樓避廟諱也五
月丁未朔帝御^崇元殿受朝仗衛如式丁巳詔應請州縣名犯廟
諱者並改之庚申以楊光遠男承祚為檢校工部尚書左威衛將
軍駙馬都尉丁卯魏府行營步軍都指揮使檢校司徒右神武統
軍王周加檢校太保戊辰故振武節度使李嗣本贈太尉己巳詔
中外臣僚帶平章事侍中中書令及諸道節度使並許私門立戟
仍並官給及據官品依令式處分六月丁丑右監門衛上將軍王
壽臻卒甲申以太子詹事王居敬^封置守邑解縣而池榷鹽事左

諫議大夫薛融上疏請停修洛京^京內優詔褒之尋罷營造庚寅
翰林學士尚書工部郎中知制誥竇貞固改中書舍人充職戶部
尚書致仕蕭選卒贈右僕射詔貢舉宜權停一年以員闕少而選
人多常調有淹滯故也丁酉詔尚書司門應管諸關令丞等宜準
唐天成四年四月四日敕本司不得差補祇委闕鎮使鈐轄見差
補者並畫時勤停訖奏聞應常^帶快相節度使自楊光遠已下凡
七人並改鄉里名號七月丙午朔差左諫議大夫薛融秘書監呂
琦^部駕員外郎兼侍御史知雜事劉皞^刑部郎中司徒調大理正
張仁瑒同共詳定唐明宗朝編敕庚戌御史中丞王延政尚書右
丞尚書右丞盧遵改尚書吏部侍郎以左諫議大夫薛融為御史
中丞辛酉製皇帝受命寶以受天明命惟德允昌為文據六典受
命寶者天子修封禪^禮神祇則用之其始皆破皇業錢以製之皇

浴

業者藩邸主事之所存也 上代會皇天福三年二月中書門下奏準秋製皇帝受命
首其文曰皇帝景命有德者昌教宜 壬戌虞部郎中知制誥于璽改中書舍
以受天明命惟德允昌為之刻立 人宰臣趙瑩桑維翰李宏各改鄉里名號荆南節度使高從誨平
員所 門度儀縣王畿總表節東坊改為擁旌鄉回鳳里八月戊寅
 以左僕射劉昫為契丹冊禮使壬午魏府軍前奏前澶州敕使馮暉自
 重為契丹皇太后冊禮使壬午魏府軍前奏前澶州敕使馮暉自
 逆城來歸定州奏境內旱民多流散詔曰朕自臨寰宇每念生民
 務切撫綏期于富庶屬于戈之未戢慮後役之或煩惟彼中山偶
 經夏旱因茲疾苦遠至流移達我聽聞深懷憫惻應定別所差軍
 前夫役逃戶夏秋稅並放甲申襄州奏漢江水漲一丈一尺已丑
 以前澶州刺史馮暉為檢校太保充義成軍節度使詔河府同州
 絳州等三處災旱逃移人戶下所欠累年殘稅并今年夏稅差科

以 實

及麥苗子俗微諸色錢物等並放其逃戶下秋苗據見檢到數不
 計是元額及出剩頃畝並放一半查觀察使散行曉諭專切摺奏
 歸業戶人仍指揮逐縣切加存撫翰林學士中書舍人竇貞固上
 言請令文武百僚逐司之內各奏舉一人逃其人者其能堪為某
 官某職據所薦職否定舉主黜陟 先陞下官樹至基宜求多士乞除詔百僚令各
司議定一人有何能議官朝廷依奏用之若能符薦引果謂當才所奏之官望加獎賞
亦其舉或涉徇私所奏之官宜加黜罰自然官由德序位才升三人同行尚聞擇善十月所
必不盡知臣職在 疏奏嘉之仍令文武百官于指紳之內卓擇之中知
 灼然者才器者列名以奏舉契丹冊禮使于廣政殿戊戌郭州奏
 陽穀縣界河決青州王建立奏高麗國為衛質子王仁程乞放歸
 鄉里從之辛丑鎮邪定三州奏奉詔共差樂官六十七人狂契丹
 詔魏府城下自屯軍已來墳墓多經剽掘雖已差人收掩今吏遣
 太僕卿邢德昭往伸祭奠九月己酉宮苑使焦繼勳自軍前押范


延先子將馬謖歸命請罪表到闕太子延先領部下士素服于
本府門俟命有詔釋罪乙卯詔司空兼門下侍郎平章事馮道官
一品給口戟十六枚書侍郎平章事桑維翰李崧給門戟十二
枚已未宣遣靜觀官知守威左金吾仗勅契官王英司天臺雞叫
學生商暉等並赴契丹庚申契丹使人往洛京敕取道氏公主史
道贊得御約以子降音契丹蓋銅之北去贊獨與襄州奏漢江水漲三丈出岸害
母公主雷西洛天福三年音初命贊奉母歸前門祿東都奏洛陽水漲一丈五尺壞下海橋乙丑平闡國王楊仁美
遣使貢方物回鶻可汗遣使貢駝馬而黃道延壽進馬謝恩放燕
國長公主歸幽州范延光差第度副使李式到闕奏表首罪兼進
玉帶一條遣宣徽南院使劉處讓權知魏府軍府事己巳復范延
先官勇其制略曰頃朕始登大寶未靜中原六飛纔及于京師子
里未通于懷抱焚玉求萬方在遺賢曾子傳疑忽成投杼尋用俊

悔邊戮茲回于戈俄至于經時雷丙因思子作解果實地介疊貢
表章向丹闕以傾心瀝素誠而劫順而況保金黎庶完整甲兵納
款斯來其功非細得不特頒鐵契重建牙章封本郡之士茅移樂
郊之旌欽至于將吏咸降絲綸於戲上穹之運四時不愆看信大
道之崇三寶所重者養活萬戶之傷長息六師之勞序遂于仁憫
旌爾變通承貽子孫長守富貴敬佩光寵可不美歟可復推誠奉
義佐運致理功臣天雄軍節度管內觀察處置等使開府儀同三
司守太傅兼中書令廣晉尹上柱國臨清王食邑一萬戶食實封
一千戶改授鄆州刺史天平軍節度鄆齊原本闕等州觀察處置等
使賜鐵券改封高平王仍令擇日備禮冊命以天雄軍節度副
使檢校刑部尚書李式檢校尚書右僕充亮毫州團練使以貝州
刺史孫漢威為檢校太保隴州防禦使以天雄軍三城都巡檢使

薛霸為檢校司臺衛州刺史以天雄軍馬步軍都指揮使王建為
檢校司空統州刺史以天雄軍內外馬軍都指揮使葉元福為檢
校司空深州刺史以天雄軍內外步軍都指揮使安元霸為檢校
司空隨州刺史以天雄軍都監前河陽行軍司馬李彥功為檢校
司空坊州刺史李武延光之舊僚也其餘皆延光之將佐也故有
是命矣午遣客省使李守貞押器幣賜魏府五功將校李未以魏
府招討楊光遠檢校太師兼中書令行營晉尹克天雄軍節度
使十月乙亥福建節度使王繼恭遣使貢方物戊寅契丹命使以
寶冊上帝徽號曰英武明義皇帝歐陽使作契丹使中書令韓頗奉冊是日左右金吾
六軍儀仗太常鼓吹等並出城迎引至崇元殿前陳列如儀耶州
范延光奏到任內庚辰御札曰為國之規在於敏政建都之法務
要利民歷及前經朗然通論顧惟深德獲啓丕基當數朝戰伐之

餘是北燕傷殘之後車徒既廣帑藏咸虛經年之範粟飛窮繼日
而勞民勤衆常煩漕運不給供須今汴水陸要衝山河形勝乃
萬庾千箱之地是四通八達之郊爰自按巡益親宜使俾并都邑
以利兵民汴州宜升為東京置開封府仍升開封後儀兩縣為赤
縣其餘升為畿縣應舊置開封府將所管屬縣並可仍舊割屬收
管亦升為畿縣其洛京改為西京其雍京改為晉昌軍留守改為
節度觀察使依舊為京兆府列在七府之上其營州改為防禦州
其餘割置並委中書門下商量施行而或以護聖左廂都指揮使
曹州刺史張彥澤為鎮國軍節度使以工部尚書裴皞為尚書左
僕射致仁是日詔改太寧宮門為明德門又改京城諸門名額南
門尉氏以薰風為名西二門鄭門梁門以金義乾明為名北二門
酸棗門封邱門以元化宣陽為名東二門曹門宋門以迎春仁和

為名戊子以右金吾大將軍馬從祇為契丹國信使考功郎中利
知新副之以前天平軍節度使檢校太尉同平章事安審琦為晉
昌軍節度使行京兆尹襄州奏江水漲害稼壬辰以樞密使中書
侍郎平章事集賢殿大學士桑維翰兼兵部尚書皆罷樞密使以
上疑有闕文據通鑑攷異引晉高祖實錄維翰與李崧並罷樞密使
光遠朝親到對子使殿錫賚甚厚于闐國王李聖天冊封為大
寶于闐國王以杭州嘉興縣為秀州從錢元瓘之奏也十一月甲
辰樞密直學士祠部員外郎吳涓進金部郎中知制誥樞密直學
士庫部員外郎吳承範進祠部郎中知制誥乙巳鄆州范延光來
朝丙午封閩王昶為閩國王以食邑一萬五千戶又以中吳建武
等節度使檢校太師兼中書令蘇州刺史錢元璿為太傅
以清海軍節度使廣州刺史錢元璿為檢校太尉兼中書令仍改



名元懿應有魏府行營將校及六軍諸道本城將校並與加恩
戊申以門下侍郎平章事監修國史判度戶部趙瑩兼吏部尚書以
咸武軍節度福建營內觀察處置等使王繼恭為特進檢校太傅
仍封臨海郡王以魏博節度使楊光遠為守太尉洛京留守兼河
楊節度使判六軍諸衛事端明殿學士尚書禮部侍郎判度支和
凝改尚書戶部侍郎充職庚戌鄆州范延光上表乞休詔不允
辛亥升廣晉府為鄆都置留守升廣晉元城兩縣為赤縣屬府詔
縣升為畿縣升相州為彰德軍置節度觀察使以澶衛二州為屬
郡其澶州仍升為防禦州移于懷勝口為治并貝州為永清軍
置節度觀察使以博冀二州為屬郡以西京留守高行周為廣晉
鄆都留守廣晉府行營中使貝州防禦使王延勳充加檢校太傅
充相州彰德軍節度使廣晉府行營步軍都指揮使右神武統軍

王周為貝州之將軍節度使寅寅以范延光為太子太師致仕丙
辰以秘書監呂琦為禮部侍郎歸德軍節度使趙在禮改天平軍
節度使昭義軍節度使兼^侍衛親軍馬步軍都虞候杜重威改忠
武軍節度使忠武軍節度使侍衛親軍馬步軍都指揮使劉知遠
改歸德軍節度使前河陽節度使兼奉國左右兩都指揮使侯益
改昭義軍節度使癸亥割濮州濮陽縣隸澶州詔許天下私鑄錢
以天福元寶為文而庚冬至帝御崇元殿受朝賀仗衛如武十二
月甲戌朔以前兵部尚書祭文矩為太子太師以鎮州節度副使
符蒙為右諫議大夫以吏部郎中曹國珍為左諫議大夫丙子以
前涇州彰義軍節度使李德珣為晉州建雄軍節度使加同平章
事以皇太子右金吾衛上將軍重貴為檢校太傅開封尹封鄭王
加食邑三千戶戊寅制以于闐國進奉使檢校太尉馬繼榮為鎮

國大將軍副使黃門將軍國子少監張再通為武衛尉卿監使殺
頭承旨通事舍人吳順規為武衛尉少監同鵬使都督李萬金為
歸義大將軍監使雷德順為順化將軍是日詔宣令天下無問公
私應有銅欲鑄錢者一任取便酌量輕重鑄造戊子以河陽潛龍
宅為開晉禪院邢州潛龍舊宅為廣法禪院龍武統軍李從祖卒
報朝一日贈太尉

舊五代史卷七十七 政證
晉高祖紀三 八月戊寅以左僕射劉昫為契丹冊禮使在散騎常
侍兼勳副之給事中盧重為契丹皇后冊禮使 案歐陽史
八月戊寅馮道及左僕射劉昫為契丹冊禮使通監戊寅以馮
道為太后冊禮使左僕射劉昫為契丹主冊禮使與是書此紀
異

舊五代史卷七十七 政證

晉高祖紀三 八月戊寅以左僕射劉昫為契丹冊禮使在散騎常

侍兼勳副之給事中盧重為契丹皇后冊禮使 案歐陽史

八月戊寅馮道及左僕射劉昫為契丹冊禮使通監戊寅以馮

道為太后冊禮使左僕射劉昫為契丹主冊禮使與是書此紀

異

左金吾仗勳契官王英同天臺雜叫學生高暉等 王英歐陽史

作王殷高暉歐陽史作殷暉蓋是書避宣祖諱

九月己酉宮苑使焦繼勳自軍前押范延光牙將馬謨齎歸命請

罪表到闕壬子延光領部下士素服于本府門俟命有詔釋罪

案歐陽史作九月己酉赦范延光蓋併書于奉表請罪之日

也

以右金吾大將馬從斌為契丹國信史考功郎中利知新副之
案馬從斌使契丹以殺其加尊號也故通鑑則始以命王權
權辭以老疾乃改命從斌耳歐陽史止書從斌不載利知新五
代春秋作十月馮道使契丹

舊五代史卷七十七後證

舊五代史卷七十八
晉書第四
高祖紀四
天福四年春正月癸卯帝御崇元殿受朝賀仗衛如式丙午召太
子太師致仕范延光宴于便殿以延光歸命之後慮懷疑懼故休
假之內錫以款密帝謂之曰無念疾以傷厥神無憂思以勞厥衷
朕亦示信于四方豈食言于汝也延光俯伏拜謝其心遂安丁未
以西京副番守龍敏為吏部侍郎戊申盜發唐閔帝陵己酉朔方
軍節度使張希崇卒贈太師以禮賜張從恩為樞密副使
甲寅以侍衛步軍都指揮使寧江軍節度使景延廣為義成軍節
度使以義成軍節度使馮暉為朔方軍節度使乙卯左諫議大夫

述

曹國珍上言請參內外任察之中選才畧之士聚唐六典前後會
要禮閣新儀大中統類律令格式等精詳纂集毋無漏落別為書
一部目為大晉政統從之其詳議官宜差太子少卿梁文矩左
騎常侍張允大理卿張澄國子祭酒唐汝大理少卿高鴻漸國子
司業田敏禮部郎中呂咸休司勳員外郎劉濤刑部員外郎李知
損監察御史郭延升等一十九人充之矩等咸曰改前代禮樂刑
憲為大晉政統則堯典舜典當以看典筆名列狀數之曰作者之
謂聖祖者之謂明苟非聖明焉能盡作若運因革故則事乃惟新
或改正朔而變犧牲或易服色而殊徽號是以五帝殊時不相沿
樂三王異世不相襲禮至于近代率由舊章比及前朝日滋條目
多因行事之失改為立制之初或臣奏條章君行可否皆表其年
月紀以姓名聚類分門成文作則莫不參稽前典垂範後昆述自

述

聖賢歷千朝代得奎科玉條之說設亂言破律之防守而行之其
來尚矣皇帝陛下運齊七政歷契千季爰從創業開基莫不積功
累德所宜直筆具載鴻猷若備錄前代之編年月作聖朝之政統
此則是名不正也夫名不正則言不順而端時統美非其實矣若
翦截其辭此則是文不備也夫文不備則啓弊端而禮樂刑政于
斯亂矣若改舊條而為新制則未審何門可以刊削何事可以編
聯既當革改從新又須廢彼行此則未知國朝能守不能守乎臣
等同其參詳未見其可疏奏嘉之其筆遂寢幸而以前晉昌軍節
度使李固為辭難單第度使是日封皇第十一妹安定郡主為延
慶長公主皇第十二妹廣平郡主為清平長公主二月辛卯改東
京玉華殿為承福殿下著上言太原潛龍莊望建為慶長宮使相
鄉望改為龍飛殿都尉星望改為神光里從之十四宰臣馮道在

敬請常侍奉勅禮部員外^郎楊昭儉自契丹使回帝慰勞備至錫
賚豐^厚庚子以天和節宴羣官于廣政殿賜物有差三月癸卯朔
左僕射劉昫給事中盧重自契丹使回頒賜器幣如馮道等乙巳
日鶻可汗仁美^蓋使貢物中有玉梭視實奇貨也丙午臣明節
度使張萬進奉贈太師己未皇子開封尹鄭王重貴歸德軍節度
使兼侍衛親軍馬步軍都指揮使劉知遠忠武軍節度使杜重威
並加同中書門下平章事天子^軍節度使道在禮封衛國公庚申
遣內臣趙處^此以版詔徵羣山隱者前右拾遺鄭望與玉筍山道
士羅^隱陳之靈^州成將王彥忠據懷遠城作叛帝遣供奉官齊延祚
乘驛而往彥忠率衆出降延祚矯制殺之詔齊延祚奉我誓言^擅
行者戮彰殺降之罪薩示信之文宣除名決重杖一頓配流王彥
忠贈官收葬辛酉封回鶻可汗^仁美為奉化可漢矣亥以左龍武

郭 勅

統軍皇甫過為鎮國軍節度使張高澤為彰義軍節度使夏四月
壬申朔以河中節度副使薛仁謙為衛尉卿丙子以汝州防禦使
宋彥筠為同州節度使以護聖左右軍都指揮使李懷忠為侍衛
親軍馬^軍都指揮使領壽州忠正軍節度使以奉國左右廂都指
揮使鄒謹為侍衛親軍步軍都指揮使夔州寧江軍節度使戊寅
詔發長春宮額^{士代會要載原殿云同州長春宮}使額宜停^{俗宮職務本州司制置}乙卯改明德殿為益德
殿宮城南門同名改也以華州節度使劉遂凝為右龍武統軍以
右龍武統軍張延蘊為絳州刺史庚辰徵前右拾遺鄭雲叟為右
諫議大夫玉筍山道^羅士^羅之賜號希夷先生甲申以翰林學士
承旨兵部侍郎崔悅權判太常卿以端明殿學士戶部侍郎和凝
為翰林學士承旨樞密院學士尚書倉^部郎中司徒詡樞密院學
士尚書工部郎中顏衍廷落職守本官樞密副使張從恩改宣徽

便初發樞密院也先是桑維翰充樞密之務以刑處讓代之奏
議多不稱旨及處讓中書復遂以樞密院印付中書故樞密院廢焉而
或以韓昭允為兵部尚書致仕馬允孫為太子賓客致仕房嵩為
右驍衛大將軍致仕皆唐末帝之舊臣也戊子升永岳二州為團
練使額改湘川縣為全州從焉希範之奏也丑月壬寅朔帝御崇
元殿受朝儀衛如式癸卯以左僕射劉昫兼太子太保封燕國公
乙巳昭顯軍節度使姚彥章卒升靈州方渠鎮為威州隸于靈武
改舊威州為清邊軍戊申湖南節度使馬希範加天策上將軍以
前邠州節度使安叔千為滄州節度使庚戌虞部郎中楊昭俊以
本官知制誥卒交置靜海軍于溫州從錢元瓘之請也壬子以侍
御史盧價為戶部員外郎知制誥戶部尚書崔檢卒甲寅詔止絕
朝臣不得外州府求覓表狀奏屬文親乙卯升金州為節鎮以懷

德軍為使額以齊州防禦使潘瓊為環軍節度使右諫議大夫
致仕鄭雲與賜號道遠先生仍給致仕官俸丁巳以刑部尚書姚
顛為戶部尚書以兵部侍郎權判太常卿車崔稅為尚書左丞以
工部侍郎任贊為兵部侍郎以禮部尚書李懌為刑部尚書以左
丞盧詹為禮部尚書以左散騎常侍韋勳為工部侍郎庚申廢華
清宮為靈泉觀辛酉御史臺奏省郎知雜王時赴臺禮上軍巡郎
吏之輩咸集公參赤縣府司悉呈杖印今後年深御史判雜上事
欲依前例從之而寅以鎮海軍衛分統軍上直馬步軍監部監檢校
太僕監判御史陸仁章為同平章事遂領遠州武信軍節度使以
鎮海軍與武左右開道都指揮使明州刺史仰仁銓為檢校太傅
同平章事鎮宣州軍節度使從錢元瓘之請也六月辛未朔
陳郡民王武穿坑得黃金數餅以收取而貢之帝曰宿藏之物

非符寶不合入處命付所獲之家庚辰西京大風雨應天福門屋
瓦皆飛鶴吻俱折辛卯詔禮部貢舉宜權停一季秋七月庚子朔
日有食之西京大水伊洛涇澗盡溢壞天津橋癸卯以華清宮使
李順為石領軍衛上將軍甲辰以定州節度使皇甫遇為洛州節
度使檢校大尉以潞州節度使侯益為徐州節度使戊申御史中
丞薛融等上詳定編敕三百六十八道分為三十一卷是日詔先
分天下州郡公私鑄錢並多鉛錫相兼鍊薄小弱有虛條制今後
私鑄錢下楚依舊法至咸以太子少保梁文矩為太子太保致仕
閏七月庚午朔百官不入閣兩霑股故也壬申以中書侍郎平章
事集賢殿大學士桑維翰為檢校司空兼侍中相別彰德軍節度
使以彰德軍節度使王逵為武軍節度使尚書戶部奏季自
倫義君七世孫致旌表門閭先有鄧別義門王仲昭六代同居具

延

柱

旌表有廳事步櫺前列屏樹烏頭正門開閣一大二尺二柱相去
一丈柱端安瓦桶墨梁號為烏頭築雙闕一大在烏頭之南三大
七尺夾街十有五步槐柳成例今舉此為例則令式不該詔王仲
昭正廳烏頭門等制不載令文又無敕命既非故事難贖大倫宜
從今式祇表門閣于季自倫所居之南量地之宜高其外門門外
安綽楔門外左右各置一臺高一丈二尺廣板方正稱臺之狀坊
以白泥西隅漆赤其行列樹植隨其事力其同籍誤役一軍令文
壬午濮州刺史武從諫勒歸私第受職十五萬畝也丁酉改皇子
河南尹重入專號國夫人李氏落髮為尼賜名悟因仍錫紫依法
號及夏臘二十八日己亥朔河決博平甘陵大水辛丑以守司空
兼門下侍郎平章事宏文館大學士馮道為守司徒兼侍中封魯
公國公壬寅詔曰皇國草創庶政惟新宜設規程以諧茲共其中書

印祇委上位宗臣一人知當戊申前兵部尚書王權授太子少傅
致仕也而以天下兵馬副元師鎮海鎮東等軍節度使檢校太師
行中書令吳錢王錢元瓘為天下兵馬元師壬子行亮則為防禦
伏額依舊隸宋則丙辰司天監馬重績等進所撰新歷降詔褒之
詔翰林學士承旨和凝制序命之曰調元登九月辛未以右羽林
統軍因密為節制節度使奏而升整州為武勝軍額丁丑宰羣臣
于永福殿契丹伏納默罕來聘致午馬大腊顛駭十四正月以中書遣
金吾衛大將軍馬從斌者功郎中判知新來更珍幣而衣晉遣使謝免給邊四州錢幣七月以中
晉遣使進犀帶四月乙酉遣使賜晉良馬八月乙丑晉遣使貢歲幣奏輸成京二歲全幣于燕京
已仰送領州保順軍節度使鮑君福加檢校太師兼侍中判河
州諸軍事辛巳相州節度使桑維翰上言管內所獲賊人從來籍
沒財產請止之詔今後凡有人賊準格律定罪不得沒納家資天
下諸州準此奏未封唐并王季從益為郇國公奉唐之祀服皂旌

閏

旗一依舊制仍以面京至德宮為廟牲幣器服悉從官給五代會要
受龍圖五夏殿之祀唐貞觀歷開鄭介之封乃賜前朝舊符舊典宜
封土事俾奉宗祀宜以郇國三子戶封唐新王季從益為郇國公云
遣使貢方物已丑以中書侍郎李章奉李莊權判集賢殿事庚寅
節停寒食七夕重錫及十月暖帳內外羣臣貢獻丙中以武勝軍
節度副使羅周岳為給事中中書舍人李詳改禮部侍郎禮部侍
郎呂琦改刑部侍郎刑部王松改戶部侍郎戶部侍郎閻至
改兵部侍郎中書舍人王易簡充史館修撰判館事冬十月戊戌
朔故昭信軍節度使白奉進贈太尉丙午以太常卿程遜恭下海
慶朝一日贈右僕射庚戌因王王祖威武軍節度使王繼華遣僚
佐林思鄭元弼等朝貢致書于宰執無人臣之禮帝怒詔令不受
所貢應諸州綱運益林思鄭元弼等押歸本道既而兵部員外
郎李知損上疏請禁錮使人籍沒綱運可之收林思等下獄丙辰

字

谿州刺史彭士愁以錦蔭之兵與蠻部萬人掠辰澧二境湖南節
度使馬希範遣牙兵拒之而退金州山賊度從謹等寇洵陽遣兵
討平之十一月甲戌以太子賓客李延範為司農卿乙亥詔立唐
高祖太宗及莊宗明宗閔帝五廟于洛陽丁丑祠部郎中知制誥
吳承範改中書舍人充翰林學士翰林學士中書舍人賈貞固改
御史中丞御史中丞薛融改尚書左丞尚書右丞王延政吏部侍
郎尚書左丞崔悅改太常卿戊寅史館奏請分宰臣一人撰錄時
政記述時以備撰述從之五代會要史館奏唐長壽二年右丞相魏瓘奏帝王親制不
可闕文其仗下所修軍國政事今宰臣一人撰錄時政
記唐明宗朝又委端明殿學士撰錄述李送
付史館伏乞遵行者宜令宰臣一員撰述
己丑以太子賓客楊凝式為禮部尚書致仕詔建錢鑿于夔州而
申諫議大夫致仕道遺先生鄭雲叟卒十二月丁酉朔百官不入
閣大雪故也己亥故皇子重英妻張氏落髮為尼賜名悟慎并夏

述
言

臘二十庚戌禮官奏來歲正旦王公上壽皇帝舉酒奏元同之衆
再飲奏文同三衆三飲奏同前從之歌辭不錄丙辰詔今後城郭
村坊不得創造僧尼院舍丁巳帝謁宰相曰大雪害民且旬未止
京城祠廟悉令祈禱了無其驗豈非涼德不備備神休未洽者乎因
分出薪炭米粟給軍士貧民等壬戌禮官奏正旦上壽宮懸歌舞
未全且請雜用九部雅樂歌教坊法曲從之

郭

舊五代史卷七十八攷證
晉高祖紀四以澶州防禦使張從恩為樞密副使
樞密副使原
本作樞密使按下文亦作樞密副使
今從歐陽史及宋史張從
恩傳改正

舊五代史卷七十八攷證

晉高祖紀四以澶州防禦使張從恩為樞密副使

樞密副使原

本作樞密使按下文亦作樞密副使

今從歐陽史及宋史張從

恩傳改正

以版詔徵華山簿者前右拾遺鄭雲叟

右拾遺歐陽史作左拾

遺攷是書前後俱作右拾遺今仍其舊

以潞州節度使侯益為徐州節度使

案宋史侯益傳天福四年

晉祖追念虎牢之功遷武寧軍節度同平章事是書不載同平

章事五代會要所載天福中使相有侯益與宋史同

今後私鑄錢下禁依舊法

案歐陽史七月丙辰復禁鑄錢是書

作七月戊申

李自倫義居七世準教旌表門閭

黏

門閣歐陽史作五月與是書作閏七月異
先有鄧州義門王仲昭六代同居 宋王仲昭歐陽史作益州人
乙亥詔立唐高祖太宗及莊宗明宗閔帝五廟于洛陽 宋立唐
廟于西京歐陽史作十二月與是書作十一月異
納默庫舊作翻本孤今改正

舊五代史卷七十八致證

舊五代史卷七十九

晉書第五
高祖紀五
天福五年春正月丁卯朔帝御崇元殿受朝賀仗衛如式降德音
應天福三年終公私債欠一切除放壬申蜀人寇西鄙羣盜張達
任康等劫清水德鐵之城以應之癸酉湖南奏閩人殺王昶夷其
族王延羲因民之欲而定之甲戌遣宣徽使楊彥詢使于契丹辛
巳皇子開封尹鄭王重貴加檢校太尉己丑回鶻可汗仁美遣使
貢良馬白玉謝冊命也庚寅以二王後前右贊善大夫襲斷國公
楊延壽為太子左諭德三恪汝州襄城縣令襲介國公宇文頤加
食邑三千戶辛卯升絳州為防禦州癸巳以左神武統軍陸思錚

食邑三千戶辛卯升絳州為防禦州癸巳以左神武統軍陸思錚

為右羽林統軍以隴州防禦使何福進為右神武統軍甲午太常
少卿裴羽奏請追謚唐莊宗皇后劉氏為神烈敬皇后明宗皇后
曹氏請追謚為和武憲皇后閔帝魯國夫人孔氏請追謚為閔哀
皇后從之丙申河中節度使安審信奏軍校康從受李崇孫大裕
張崇于千等以所部兵為亂尋平之死者五百人二月丁酉朔沙
州歸義軍節度使曹義金卒贈太師以其子元德襲其位乙巳御
史中丞竇貞固奏國忌日宰臣跪爐焚香文武百寮列坐竊惟禮
例有所未安今欲請率臣仍舊跪爐百寮依班序立詔可之仍令
行香之後飯僧百人永為定制庚戌北京留守安彥威來朝帝慰
接甚厚賜上樽酒壬子拜中書門下平章事為正二品丁巳青州
節度使東平王王建立來朝己未以中書門下侍郎為清望正三
品諫議大夫御史中丞為清望正四品三月丁卯朔右散騎常侍

張允改禮部侍郎辛未宋州歸德軍節度使侍衛親軍馬步軍都
指揮使劉知遠加特進改鄴都留守廣晉尹典軍如故以兗州節
度使李從溫為徐州節度使以北京留守安彥威為宋州節度使
壬申詔朝臣觀省父母依天^成例頒賜茶藥癸酉以青州節度使
王建立為昭義軍節度使進封韓王仍割遼沁二州為昭義屬郡
以建立本遼州人用成其衣錦之美也以晉州節度使李德珣為
北京留守以潞州節度使皇甫遇為晉州節度使是日容州節度
使馬存卒甲戌以給事中李光廷為左散騎常侍亳州團練使李
式為給事中乙亥相州節度使桑維翰加檢校司徒改袁州節度
使許州節度使杜重威改鄆州節度使河中節度使安審信改許
州節度使丁丑長安公主出降駙馬都尉楊承祚戊寅詔中書門
下五品已上官于兩省上事率臣押角之禮及第舉人與主司選

勝筵宴及中書舍人靴鞋接見舉人兼兵部禮部引人過堂之日
幕次酒食會客悉宜廢之己卯以前樞密使劉處讓為相以節度
使辛巳湖南遣牙將劉勅領兵大破溪峒羣蠻收溪錦蔣三列丁
亥以秦州節度使康福為河中節度使以徐州節度使侯益為秦
州節度使庚寅御明德樓餞送昭義軍節度使王建立賜玉斧蜀
馬甲午詔吏部三銓聽四時選擬官族奏不在團甲之限夏四月
丙申朔宴羣臣于永福殿戊戌曹州防禦使石暉卒帝之從弟也
禮官奏天子為五服之內親本服周者三吳而止從之己亥罷洛
陽京兆進苑圃瓜果憫勞人也壬寅右僕射致仕裴皞卒贈太子
太保丙午詔曰承旨者承時君之旨非近侍重臣無以稟朕旨宣
予言是以大朝會宰臣承旨草制詔學士承旨若無區別何表等
威除翰林承旨外殿前承旨宜改為殿直密院承旨宜改為承宣

御史臺三司閤門客省所有承旨並令別定其名庚戌以滄州節
度使馬全節為安州節度使禮部侍郎張允奏請廢明經童子科
從之因詔宏詞拔萃明算道舉百篇等科並停之五月癸酉宋州
貢瑞麥兩歧甲申以前徐州節度使裴從簡為右金吾衛上將軍
丙戌安州節度使李金全叛詔新授安州節度使馬全節以洛汭
汝鄭軍宋陳蔡曹濮十州之兵討之以前鄜州節度使安審暉為
副以內客省使李守貞為都監仍遣供奉官劉彥瑤奉詔以諭金
全命麾下齊謙以詔送于淮夷雲夢人齊峴斬謙歸其詔于闕辛
卯昭義節度使韓王王建立薨報朝二日贈尚書令壬寅壬寅上疑脫
六月二字
少府監致仕尹玉羽卒癸卯淮南使李承裕代李金全金全南走
承裕以淮兵二千守其城甲辰馬全節自應山縣進軍于大化鎮
戊申與鄂州賊軍陣于安陸之南三戰而後克之斬首三千級生

擒千餘人供奉官安友謙登鋒力戰奮不顧身全節賞其忠勇使
馳獻捷書竭死于路是日割奪李金全官爵丁巳淮夷僞校李承
裕率衆掠城中貨貨而遁馬全節入城撫其遺民遣安審暉率兵
以逐承裕擒而斬之執其僞都監杜光鄴及淮南軍五百餘人露
布獻于闕下帝曰此輩何罪皆厚給放還矣亥道士崇真大師張
薦明賜號通元先生是時帝好道德經嘗召薦明講說其義帝悅
故有是命尋令薦明以道德二經雕上印版命字士和凝別撰新
序冠于卷首俾頒行天下秋七月甲子朔降安州為防禦使額以
申州隸許州丙寅安州節度使馬全節加檢校太尉改昭義軍節
度使前鄜州節度使安審暉加檢校太傅為威勝軍節度使丁卯
湖南奏遣天策府步騎將張少敵領兵五萬樓船百艘次于岳陽
將進討淮夷也甲戌宣徽使楊彥詢加檢校太傅充安國軍節度

使乙亥戶部尚書致仕鄭勳光卒贈右僕射戊寅福州王延羲遣
商人閻路貢表自述戊子宿州奏淮東鎮移牒云本國奏書于上
國皇帝曰久增景慕莫會光塵但循戰國之規敢預睦鄰之道一
昨安州有故脫難相歸邊校貪功乘便據壘矧機宜之執在顧茫
昧以難甲否臧皆凶乃大易之明義進取不止亦聖人之厚顏適
屬暑雨稍頰江波甚漲指揮未到事實已違今者猥沐睿咨曲形
宸旨歸其俘獲示以英仁其如軍法朝章彼此不可揚名建德曲
直相懸雖認好生匪敢聞命其杜光鄴等五百七人已令卻過淮
北帝復書曰昨者災生安陸覺接漢陽當三伏之災蒸動兩朝之
師旅豈期邊帥不稟上謀洎復城池備知本末尋已捨諸俘執還
彼御問不惟念効命之人兼亦敦善鄰之道今承來旨將正朝章
希循有罪之文用廣崇仁之美其杜光鄴等再令歸復尋遣使押

光鄴等于桐墟渡淮淮中有棹船甲士拒之南去不果詔光鄴等
歸京師授以職秩其戎士五百人立為顯義都八月丁酉帝親稼
于西郊己亥詳定院以先奉詔詳定冬正朝會禮節樂章二舞行
列等事上之事具樂志庚子以前金州防禦使田武為金州懷德
軍節度使辛丑升復鄆二郡為防禦使額戊午左龍武統軍相里
金卒廢朝一日贈太師己未太子太師致仕范延光卒于河陽廢
朝二日贈太師丁卯宰臣李崧加集賢殿大學士以翰林學士承
旨戶部侍郎和凝為中書侍郎平章事丙子廢翰林學士院其公
事並歸中書舍人丁丑以翰林學士中書舍人李慎儀為右散騎
常侍以翰林學士左右補闕李瀚為吏部員外郎以右散騎常侍
趙元輔為太子賓客以太子賓客韓惲為兵部尚書以右諫議太
夫段希堯為萊州刺史甲申西京留守楊光遠加守太尉兼中書

令充平盧軍節度使封東平王戊子改東京上源驛為都亭驛冬
十月丁酉制天下兵馬元帥鎮海鎮東浙江東西等道節度使中
書令吳越王錢元瓘加守中書令充天下兵馬都元帥戊戌戶部
尚書姚顛卒廢朝一日贈右僕射癸卯湖南上言福建王延義與
弟延政互起于戈內相侵伐甲辰升萊州為防禦使額以汝州防
禦使楊承貴領之以新授萊州刺史段希堯為懷州刺史丁未契

未

丹使竇匡來聘致馬百匹及玉鞍狐裘等遼史會同三年三月戊辰遣使使
晉乙未晉遣使來觀四月壬寅遣
人使晉丙午晉遣宣徽使楊端玉執等來問起居丙辰晉遣使進茶葉癸亥晉遣使賀端午五月
庚辰晉遣使進弓矢甲申遣皇子天德及檢校司徒卽用和使晉六月庚子晉遣使來見九月丙
戌晉遣使貢名馬庚申晉遣使
貢布十二月丙申遣使使晉己酉宴羣臣于永福殿賜帛有差癸丑詔今

後竊盜賊滿者處死三匹己上者決杖配流以盜論者準律文處
分又詔過格選人等許赴吏部南曹召保委正身者降一資注官
十一月壬戌遣領遂州武信軍節度使鎮海軍衙內統軍檢校

傳同平章事陸仁璋卒贈太子太傅甲子滑州節度使景延廣加
檢校太傅改陝州保義軍節度使以鄭州防禦使駙馬都尉史匡
翰為義成軍節度使戊辰曹州防禦使石贊加檢校太保充河陽
三城節度使庚午以翰林學士戶部侍郎張昭遠為兵部侍郎丙
子冬至帝御崇元殿受朝賀始用二舞帝舉鵠奏元同之樂登歌
奏文同之樂舉食文舞奏昭德之舞武舞奏成功之舞典禮久廢
至是復興觀者悅之丁丑吳越國進奏使陳元亮進冬日觀仗詩
一首帝覽之稱善賜服馬器幣癸未移德州長河縣大水故也甲
申制授閩國王延羲檢校太師兼中書令福州威武軍節度使封
閩國王以兩浙西南面安撫使錢元懿為檢校太尉兼中書令遙
領廣州清海軍節度使又以恩州團練使錢驛為檢校太尉同平
章事遙領楚州順化軍節度使丁亥割衛州黎陽縣隸滑州十二

月壬辰朔遙領洮州保順軍節度使檢校太尉兼侍中判湖州軍
州事範君福卒贈太傅丙申詔故靜海軍兼東南面安撫制置使
檢校太傅溫州刺史錢宏瑛贈太子太傅故吳越兩軍節度副使
檢校太尉宏傳贈太子太師

天福六年春正月辛酉朔帝御崇元殿受朝賀仗衛如式刑部員
外郎李象上二舞賦帝覽而嘉之命編諸史冊甲子同州指揮使
成殷謀亂車洩伏誅時節度使宋彥筠御下無恩既貪且鄙故殷
與子彥璋陰搆部下為亂會有告者遂滅其黨乙丑青州奏海凍
百餘里丙寅遣供奉官張澄等領兵二千發并鎮忻代四州山谷
吐渾令還舊地先是吐渾苦契丹之虐受鎮州安重榮誘召叛而
南遷入常山太原二境帝以契丹歡好之國故遣歸之戊辰詔應
諸州無屬州錢處今後冬至寒食端午天和節及諸色謝賀不得

進貢壬申以左司郎中趙上交為諫議大夫戊寅封唐叔虞為興
安王臺駘神為昌寧公差給事中張璩戶部郎中張守素就行冊
禮又詔嶽鎮海濱等廟宇並令崇飾仍禁樵採丙戌故皇第二叔
檢校司徒萬友贈太師皇第三叔檢校司空萬銓贈太尉皇兄故
檢校左僕射敬儒贈太傅二月辛卯詔天下郡縣不得以天和節
禁屠宰輒滯刑獄壬辰置浮橋于德勝口甲午詔諸衛上將軍月
俸舊三十千令增至五十千戊午以三恪汝州襄城縣令襲介因
公宇文頡為太子率更令己亥詔戶部侍郎張昭遠起居郎賈緯
祕書少監趙熙吏部郎中鄭受益左司員外郎李為光等同修唐
史仍以宰臣趙堂監修壬寅以三白渠制置使張璩為給事中戊
申詔侯伯來朝君臣相見賞宴貢奉今後宜停起居郎賈緯以所
撰唐年補錄六十五卷上之帝覽之嘉歎賜以番幣仍付史館十五

會要起居實錄曰伏以唐高祖至代宗已有紀傳德宗亦有實錄武宗至濟陰廢帝凡六代惟
有武宗實錄一卷餘皆闕略臣今搜訪遺聞及舊傳說編成六十五卷目為唐朝補遺錄以備
將來史官修述癸丑長安公主薨帝之長女也并降于駙馬楊承祚帝悼

惜之甚輟視朝二日追贈秦國公主三月甲子河中節度使康福
進封許國公己丑左驍衛上將軍李承約卒癸酉詔天福四年終
己前百姓所欠夏秋租稅一切除放夏四月庚寅朔湖南奏谿州
刺史彭士愁五溪酋長等乞降己立銅柱于谿州鑄誓狀于其上
以五溪銅柱圖上之丙申詔顯義指揮使劉康部下兵五百人放
還淮海即安州所俘也已亥虞部郎中知制誥楊昭儉遷中書舍
人戶部侍郎王松改御史中丞禮部郎中馮玉改司門郎中知制
誥辛丑宰臣監修國史趙堂奏奉詔差張昭遠等五人同修唐史
丙起居郎賈緯丁憂去官請以刑部侍郎呂琦侍御史尹拙同與
編修又奏史館所闕唐朝實錄請下敕購求並從之

五代會要卷之四
史趙堂奏自李朝

喪亂逾五十年四海沸騰兩都淪覆今之書府百無二三臣等近奉諭旨俾令撰述褒貶或從于
新舊纂修須業于舊章既闕編先虞漏略今據史館所闕唐書實錄請下敕命雖求以中
宰臣韋保衡與蔣仲皇兩煥撰武宗宣宗兩朝實錄皆過多事或值播遷雖聞撰述未見流傳其
韋保衡裴贇合有子孫見居職任或門生故吏曾記纂修聞此討論諒多欣愜請下三京諸道及
內外臣寮凡有將此數朝實錄詣闕進納呈其文武才能不拘資地除授一官如卷帙不足據數
進納亦請不次獎酬以勸來者自會昌至天祐垂六十年其初李德裕平上黨著武宗伐叛之書
其後康承訓定後方有武寧本末之傳如此事類記述頗多請下中外臣寮及各儒宿學有于此
六十年內撰述得傳記及中書銀臺史館日歷制敕冊書等不限年月多少並許詣闕進納如年
月稍多記錄詳備請特行簡拔不限資序臣與張昭遠等所撰唐史敘本
紀以綱帝業列傳以述功臣十志以書刑政所陳條例請下所司從之 壬寅以戶部員

外郎知制誥盧價為虞部郎中知制誥以昭義節度副使陳元為
光錄卿致仕乙巳齊魯民饑詔克鄆青三州免粟賑貸五月庚申
朔以前刑部節度使丁審琪為延州節度使延州節度使劉景巖
為邠州節度使故皇子景冊贈太尉進封陳王庚午涇州奏雨雹
川水大溢壞州郡鎮戍二十四城甲戌北京遣牙將劉從以吐渾
大首領白承福念麗里赫連功德來朝邢州上言吐渾移族帳于
鎮州封部六月丙申以前衛尉卿趙延又為司天監丁酉詔今後

藩侯郡守凡有善政委倅貳官條件聞奏百姓官吏等不必遠詣
京闕壬寅右領衛上將軍李項卒贈太師甲辰迦葉彌陀國僧啞
哩以佛牙泛海而至丙午高麗國王王建加開府儀同三司檢校
太師食邑一萬戶戊午鎮州節度使安重榮執契丹使伊喇遣輕
騎掠幽州南境之民處于博野仍貢表及馳書天下述契丹援天
子父事之禮貪傲無厭困耗中國已繕治甲兵將與決戰帝發諭
止之重榮跋扈愈甚由是與襄州節度使安從進潛相搆謀為不
軌

舊五代史卷七十九攷證
晉高祖紀五五月丙戌安州節度使李金全叛詔新授安州節度使馬全節以洛汭汝鄭單宋陳蔡曹濮十州之兵討之案五代春秋五月李金全叛附于吳馬全節帥師討安州吳人救安州金全節敗吳師克安州金全奔吳六月放吳俘還歐陽史作五月李金全叛六月克安州馬令南唐書作六月安州節度使李金全來降遣鄂州屯營使李承裕帥師迎之紀月互異執其偽都監杜光鄴偽都監馬令南唐書作監軍通事舍人尋遣使押光鄴等于桐墟渡淮桐墟原本作桐廬據通鑑注引九域志云宿州蕪縣有桐墟鎮自桐墟而南至渦口則濟淮矣今改正

太子太師致仕范延光卒于河陽廢朝二日案歐陽史作西京

留守楊光遠殺太子太師范延光本傳延光本為楊光遠推墮溺水死為之輟朝諱之也

丁卯案歐陽史作九月丁卯原本疑有脫字

癸并鎮忻代四州山谷吐渾令還舊地案晉逐吐谷渾在天福

六年通鑑與是書同攷天福六年即遼會同四年也遼史作會

同三年晉以并鎮忻代之吐谷渾來歸與是書異

甲戌北京遣牙將劉從以吐渾大首領白承福念麗里赫連功德

來朝案通鑑四月辛巳北京留守李德瓌遣牙將以吐谷渾

酋長白承福入朝是書作五月甲戌與通鑑異歐陽史從是書

鎮州節度使安重榮執契丹使伊喇案遼史作二月晉安重榮

執使者伊喇是書作六月先後互異

實里舊作舍利今改伊喇舊作機刺今改

舊五代史卷七十九攷證

舊五代史卷八十

薛正

晉書第六

高祖紀六

天福六年秋七月己未朔帝御崇元殿視朝庚申升陳州為防禦

使額辛酉以前鄆州節度使焦方為貝州節度使壬戌涇州奏西

涼府留後李文謙今年二月四日閉宅門自焚遣元入西涼府譯

詔官與來人賫三部族蕃書進之以三司使劉審交為陳州防禦

使癸亥以前鄆州節度使趙在禮為許州節度使以前鄆都留守

廣晉尹高行周為河南尹西都留守詔改拱辰威和內直等軍並

為興順甲子以宣徽使權西京留守張從恩判三司己巳以鄆都

留守兼侍衛親軍馬步軍都指揮使廣晉尹劉知遠為太原尹

北京留守河東節度使仍割遼沁二州却隸河東以北京留守李
德瓌為廣晉尹充鄴都留守以昭義節度使馬全節為刑州節度
使使加同平章事甲戌詔今後諸道行軍副使不得奏薦骨肉為殿
直供奉官已卯以前陝州節度使李從敏為昭義軍節度使以陝
州節度使景延廣為河陽三城節度使兼侍衛親軍馬步軍都虞
候以河陽節度使石贊為陝州節度使壬午突厥遣使朝貢以這
領壽州忠正軍節度使兼侍衛馬軍都指揮使李懷忠為同州節
度使以宣徽北院使李守貞這領忠正軍節度使侍衛馬軍指揮
使甲申降御札取八月五日暫幸鄴都沿路供頓並委所司以官
物排比州縣不得科率人戶丙戌以右諫議大夫趙遠為中書舍
人吏部郎中鄭受益為右諫議大夫刑部郎中殷鵬為水部郎中
知制誥八月戊子朔以皇子開封尹鄭王重貴為東京留守以天

平軍節度使兼侍衛親軍馬步軍副都指揮使杜重威為侍衛親
軍馬步軍都指揮使以宣徽南院使張從恩為東京內外兵馬都
監改奉德馬軍為護聖放文武百官朝參取便先赴鄴都壬辰車
駕發東京己亥至鄴左右金吾六軍儀仗排列如儀迎引入內改
舊澶州為德清軍以內客省使劉遂清為宣徽北院使判三司壬
寅制應天福六年八月十五日昧爽已前諸色罪犯常赦所不原
者咸赦除之其持仗行劫及殺人賊並前免罪移鄉配逐處軍都收
管犯枉法贓者雖免罪不得再任用諸徒流人並放還貶降官未
量移與量移者約資敘用天福五年終已前殘稅並放應河東起
義之初及收復鄴都汜水立功將校並與加恩亡沒者與追贈自
東京至鄴都緣路昨因行幸有損踐田苗處據頃畝與放今年租
稅鄴都管內有潛龍時在職者並與加恩眷年八十已上者放授

上佐官天下農器並許百姓自鑄造亡命山澤者招喚歸業百日
不出者復罪如初唐梁國公狄仁傑宜追贈官秩應天福三年已
前敗闕場院官無家業者並與除放其人免罪永不任使私下債
負徵利及一倍者並放主持者不在此限丁未以客省使將作監
丁知浚為內客省使引進使鴻臚卿王景崇為客省使殿中監判
四方館事劉政恩為引進使壬子改鄴都皇城南門應天門為乾
明門大明館為都亭驛甲寅遣光祿卿張澄回子博士謝攀使高
麗行冊禮九月己未以兵部侍郎閻至為吏部侍郎辛酉滑州河
決一溉東流鄉村戶民攜老幼登邱冢為水所隔餓死者甚眾壬
申忠武建武等軍節度使守太傅兼中書令行蘇州睦州刺史錢
元璪進封彭城郡王遠鎮廣州清海軍節度使判婺州軍州事錢
元懿為檢校太師乙亥遣前邢州節度使楊彥詢使于契丹錫賚

甚厚丁丑吐渾遣使朝貢壬午夜有彗星出于西方長二丈餘在
房一度尾跡穿天市垣東行踰月而滅丙戌兗州上言水自西來
漂沒秋稼冬十月丁亥朔遣鴻臚少卿魏玘等四人分往滑濮鄆
澶視水害苗稼己丑詔以胡梁度月城為大通軍浮橋為大通橋
壬寅詔唐梁國公狄仁傑可贈太師十一月丁未鄭王夫人張氏
薨福州王延羲遣使貢方物甲寅遣太子賓客聶延祚吏部郎中
盧撰持節冊天下兵馬元帥守尚書令吳越國王錢元瓘甲子以
御史中丞王松為尚書右丞中書舍人史館修撰判館事王易簡
為御史中丞戶部侍郎張昭遠為兵部侍郎國子祭酒田敏以本
官兼戶部侍郎辛未太妃皇后至自東京壬申遣給事中李式考
功郎中張鑄持節冊國王王延羲甲戌太子少傅致仕王瓘卒
贈左僕射丁丑袁州安從進舉兵叛以西京留守高行周為南面

行營都部署率兵討之以前同州節度使宋彥筠為副以宣徽南
院使張從恩監護焉十二月丙戌朔以東京留守開封尹鄭王重
貴為廣晉尹進封齊王以鄴都留守廣晉尹李德珣為開封尹充
東京留守南面軍前奏十一月二十七日武德使焦繼勳先鋒都
指揮使郭金海等于唐州南遇安從進賊軍一萬餘人大破之業
史陳思讓傳思讓為先鋒右相都監從武德使焦繼勳
領兵進討遇從進之師于唐州花山下急擊大破之生擒衙內都指揮使安宏義
獲山南東道之印安從進單騎奔逸丁亥詔襄州行營都部署高
行周權知襄州軍州事是日鎮州節度使毋重榮稱兵向關以待
衛親軍馬步軍都指揮使杜重威為北面行營招討使率兵擊之
以邢州節度使馬全節為副以前貝州節度使王周為馬步軍都
虞候癸巳武德使焦繼勳奏安從進遣弟從貴領兵千人取梅均
州刺史蔡行遇尋領所部兵掩殺賊軍七百餘人生擒安從貴截

其雙腕却放入城戊戌以皇子重睿為銀青光祿大夫檢校尚書
左僕射己亥北面軍前奏十三日未時于宗城縣西南大破鎮州
賊軍殺一萬五千人餘黨走保宗城縣是夜三更破縣城前深州
刺史史處武自縛降獲馬三千匹緇三萬餘匹餘物稱是安重
榮脫身遁走是日百官稱賀癸卯削奪安從進安重榮在身官爵
右金吾上將軍長從簡卒堯朝贈太師乙巳天下兵馬都元帥守
尚書令吳越國王錢元瓘薨堯朝三日謚曰文穆是日帝習射于
後苑諸軍都指揮使己上悉預焉賜物有差丁未南面行營都部
署高行周奏今月十三日節領大軍至襄州城下相次降賊軍二
千人其降兵馬軍詔以彰聖為號步軍以歸順為號庚戌以權知
吳越國事錢宏佐為起復鎮軍大將軍檢校太師兼中書令杭州
越州大都督鎮海鎮東等軍節度使封吳越國王壬子杜重威部

領大軍至鎮州城下

天福七年春正月丙辰朔不受朝賀用兵故也戊午以前將作監

李鐸為少府監北面招討使杜重威奏今日二月日收復鎮州斬安

重榮傳首闕下帝御乾明樓宣露布訖大理卿受誠付市徇之百

官稱質曲赦廣晉府禁囚

遼史云戊辰晉出安重榮首末
獻上數欲親討重榮至是乃止

辛酉追贈皇弟三

人故沂州馬步軍都指揮使贈太傅德再贈太尉追封福王故檢

校太子賓客贈太傅殷再贈太尉追封通王故彰聖右第三軍都

指揮使長州刺史贈太傅威再贈太尉追封廣王壬戌追贈皇子

五人故右衛將軍贈太保重英再贈大傅追封魏王故權東京留

守河南尹贈太傅重入再贈太尉追封壽王故皇城副使贈太保

重裔再贈太傅追封郟王故河陽節度使贈太尉重信再贈太師

追封沂王故左金吾衛將軍贈太保重進再贈太傅追封夔王癸

亥改鎮州為恒州成德軍為順國軍丙寅以門下侍郎平章事監

修國史趙堂為侍中青州節度使楊光遠加食邑改賜功臣名號

兗州節度使桑維翰加檢校太保河東節度使劉知遠加兼侍中

以邠州節度使北面行營招討使侍衛親軍都指揮使杜重威為

恒州順國軍節度使加兼侍中皇子廣晉尹兼功德使齊王重貴

加兼侍中秦州節度使侯益加特進增食邑丁亥以判四方館事

孟承誨為太府卿充職戊辰以滄州節度使安叔千為邠州節度

使以北面行營副招討使邠州節度使馬全節為定州節度使以

定州節度使王延允為滄州節度使以前邠州節度使楊彥詢為

華州節度使恒州立功將校王溫以降等第除郡庚午契丹遣使

來聘是日上元節六街諸寺燃燈御乾明門觀之夜半還宮壬申

延州節度使丁審琦加爵邑鄆州節度使安審徽加檢校太傅陝

州節度使石贊加檢校太傅乙亥契丹遣使來聘河陽節度使兼
侍衛馬步軍都虞候景逵廣加檢校太尉改鄆州節度使典軍如
故以前貝州節度使北面行營馬步軍都虞候王周為河陽節度
使加檢校太保丁丑以刑部侍郎竇貞固為門下侍郎以禮部郎
中邊歸讜為比部郎中知制誥壬午以河陽節度使王周為涇州
節度使以恒州節度副使王欽祚為殿中監二月丁亥皇妹清平
公主進封衛國長公主契丹遣使來聘己丑宴于武德殿新恒州
節度使杜重威已下諸軍副兵馬使已上悉預焉賜物有差己亥
以曹州防禦使何建為延州留後涇州奏差押牙陳延暉賞敕書
往西涼府本府都指揮使等請以陳延暉為節度使辛丑宰臣李
崧丁母憂起復舊任延州蕃寇作亂同州郿州各起牙兵討平之
丙午詔鄧唐隨鄆諸州多有曠土宜令人戶取便開耕與免五年

差稅三月己未兵部尚書韓暉卒庚午遣前齊州防禦使宋光業
翰林茶酒使張言使于契丹壬戌分命朝臣諸寺觀禱雨丙寅皇
后為妹契丹樞密使趙延壽妻燕國長公主卒于幽州奉哀于外
次辛未滑州節度使駙馬都尉史匡翰卒報朝贈太保詔唐州湖
陽縣蓼山神祠宜賜號為蓼山顯順之神乙亥以晉昌軍節度使
安審琦為河中節度使以前亳州防禦使王令溫為貝州節度使
丙子賜宰臣李崧白藤肩輿以起復故也丁丑以晉州節度使皇
甫暹為河陽節度使以壽州節度使兼侍衛馬軍都指揮使李守
貞為滑州節度使以夔州節度使兼侍衛步軍都指揮使郭謹為
相州節度使皆典軍如故宰臣于寺觀禱雨閏月丙戌以兵部郎
中司徒調為右諫議大夫戊子兗州節度使桑維翰加特進封開
國公庚寅以延州留後何建為延州節度使以引進使兼殿中監

劉政恩為太子詹事壬辰宋州節度使安彥威奏修滑州黃河功
畢詔于河決之地建碑立廟丙申以鄆州節度使周密為晉州節
度使以左羽林統軍符彥卿為鄆州節度使壬寅詔百官五日一
度起居日輪定兩員具所見以封事奏聞詔改鄴都宣明門為朱
鳳門武德殿為視政殿文思殿為崇德殿畫堂為天清殿寢殿為
乾福殿其門悉從殿名皇城南門為乾明門北門為元德門東門
為萬春門西門為千秋門羅城南門為廣進門觀音門為金明
門橙槽門為清景門寇氏門為永芳門朝臣門為景風門大城南
門為昭明門觀音門為廣義門北河門為靜安門魏縣門為應福
門寇氏門為迎春門朝城門為興仁門上斗門為延清門下斗門
為通遠門戊申宋州節度使安彥威封鄆國公賞修河之勞也癸
丑涇州節度使王周奏前節度使張彥澤在任日不法事二十六

條已改正停廢詔褒之是春鄴都鳳翔亮陝汝恒陳等州旱郵曹
澶博相沼諸州蝗夏四月甲寅朔避正殿不視朝日食故也是日
太陽不虧百官上表稱賀詔沿河藩郡節度使刺史並兼管內河
堤使己未右諫議大夫鄭受益兩疏論張彥澤在涇州之日違法
虐民支解掌書記張式部曲楊洪等請下所司明申其罪皆留中
不出庚申刑部郎中李濤張麟員外郎麻麟王禧同詣閣門上疏
論張彥澤罪犯詞甚懇切宋史李濤傳涇帥張彥澤殺記室張式奪其妻式家人詣
闕上訴晉祖以彥澤有軍功釋其罪濤伏閣抗疏請宥于
法晉祖召見論之濤植笏叩階聲色俱厲晉祖怒叱之濤執笏如初晉祖曰召與彥澤有誓約恕
其死濤厲聲曰彥澤私誓陛下不忍食其言范延光嘗賜鐵券今復安在晉祖不能答即拂衣起
辛酉詔張彥澤剽剽賔徒誅剝生聚寃聲穢跡流聞四方章表繼
來指陳甚切尚以曾施微功特示寬恩深懷曲法之慙貴徇議勞
之典其張彥澤宜削一階仍降爵一紀其張式宜贈官張式父鐸
弟守貞男希範並舉除官仍于涇州賜錢十萬差人津置張式靈

樞并骨肉歸鄉所有先收納却張式家財物畜並令却還其涇州
新歸業戶量與蠲減稅賦翌日以前涇州節度使張彥澤為左龍

武大將軍

宋史楊昭儉傳昭儉與李清論張彥澤不報會有詔令朝臣轉對或有封事亦許諫臣雖設言路不通藥石之論不達于聖聰而邪佞之徒取容于左右御史臺紀綱之府彈糾之司銜寔者固當昭重為蠹者難免放流陛下臨御以來寬仁大甚徒置兩司殆如虛器遂令節使慢侮朝章害幕吏始訴寃于丹闕反執送于本藩苟中跋扈之心莫恤寬抑之苦願同宸斷誅彥澤以謝軍吏

戊辰廢雄州為昌化軍警

州為威肅軍其軍使委本道差補故涇州節度掌書記張式贈尚
書虞部郎中以式父鐸為沁州司馬致仕弟守貞為貝州清河縣
主簿男希範為興元府文學甲戌詔皇子齊王執前河府節度使
康福第以教坊樂宴會前見任節度使戊寅前慶州刺史米廷訓
追奪在身官爵配流麟州坐其妻兄之女也是月州郡十六蝗五
月己亥中書門下奏時屬炎蒸事宜簡省應五日百官起居望令
押班宰臣一員押百官班其轉對官兩員封付閣門使引進本官

隨百寮退不用別出謝恩其文武內外官寮乞假寧觀搬家婚葬
病損並門見門辭諸道進奉物等不用殿前排引引進使引至殿
前奏云某等進奉奏訖令進奉使便出其進奉專使朝見日班首
一人致詞都附起居刺史并行軍副使諸道馬步軍都指揮使已
下差人到闕並門見門辭別縣官謝恩日甲頭一人致詞不用
逐人告官其供奉官殿直等如是當直及合于殿前排立者即入
起居如不當直排立者不用每日起居委宣徽使點檢常須整齊
從之時帝不豫難于視朝故也

遼史二月甲午遣使使晉索吐谷渾叛者契丹國志云遼以晉指納吐谷渾遣使責讓晉高祖憂懼成疾

左威衛上將軍衛審峰卒贈太子少保乙巳尊皇太妃劉氏為皇

太后

徐無黨五代史記注云高祖所生母也

丁未工部侍郎韋勳改刑部侍郎壬子以左

散騎常侍李先廷為秘書監給事中蕭愿為右散騎常侍左諫議

大夫曹國珍為給事中太常卿裴坦為左諫議大夫是月州郡五

奏大水十八奏旱蝗六月丁巳以亮列節度使柔維翰為晉昌軍
節度使以前許列節度使安審琦為亮列節度使哀列都部署高
行周奏安從進觀察判官李光圖出城請援送赴關乙丑帝崩于
保昌殿壽五十一遺制齊王重貴于柩前即皇帝位喪紀並依舊
制山陵務從節儉馬步諸軍優紀並從嗣君處分通鑑攷異云漢高祖實
錄晉高祖大漸石近臣
屬之曰此天下明宗之天下寡人竊而處之久
矣寡人既謝當歸許王寡人之類也此說難信八月太常師崔棧上謚曰聖文章
武明德孝皇帝廟號高祖以其年十一月十日庚寅葬于顯陵寧
臣和凝撰謚冊哀冊文五代史補高祖尚明宗女宮中謂之石即及將起兵于太原
宗師夜間狼皆羣走往入宮中愍帝患之命諸班能射者
分頭捕逐謂之射狼或過諸塗問曰汝何從而來對曰看射狼未幾高祖至蓋射亦石也五代
史關文梁開平初潞州行營使李思安奏函州縣獠鄉民伐樹樹仆自分為中有六字如左書
云天十四載石進梁帝藏于武庫時莫詳其義至帝即位諱者曰天字取四字兩畫加之于傍即
丙字也四字去中之兩畫加十字即中字也帝即位之年適丙申也進者晉也石者姓也臣謹按
天祐二十年歲在癸未其年莊宗建號改同光元年至清泰三年歲丙申其年晉祖即位改元天
福元年自未至申凡十四載矣故識書云天十四載石進者言自天祐滅後十四載石氏興于晉
也豈不明乎而析字
解識以紙而申非也

史臣曰晉祖潛躍之前沈毅而已及其為君也旰食宵衣禮賢從
諫慕黃老之教樂清淨之風以絕為衣以麻為履故能保其社稷
高朗令終然而圖事之初疆鄰來援契丹自茲而孔熾黔黎由是
以罹殃迨至嗣君兵連禍結卒使都城失守拳族為俘亦由決隄
海以救焚何逃沒溺飲鳩漿而止渴終取喪亡謀之不臧何至于
是儻使非由外援之力自副皇天之命以茲睿德惠彼蒸民雖未
足以方駕前王亦可謂仁慈恭儉之主也

舊五代史卷八十攷證

晉高祖紀六乙亥遣前邠州節度使楊彥詢使于契丹 案楊彥

詢使于契丹歐陽史通鑑俱從是書作九月遼史作二月己未

晉遣楊彥詢來貢且言鎮州安重榮跋扈狀遂留不遣與是書

異

丁丑襄州安從進舉兵叛 案安從進反歐陽史五代春秋俱作

十月通鑑從是書作十一月遼史作十二月戊子晉遣使來告


山南節度使安重進反則因其赴告之月而書之也

生擒衙內都指揮使安宏義 案宋史焦繼勳傳作擒其牙將安

洪義範洪等五十餘人

是日鎮州節度使安重榮緝兵向關 案安重榮反歐陽史通鑑

俱從是書作十二月五代春秋繫于十月之後遼史作十一月



丙寅晉以討安重榮來告與是書異

遣前齊州防禦使宋光鄴 宋光鄴遼史避諱作宋暉業

宋州節度使安彥威奏修滑州黃河功畢 案修河事是書紀于

閏月壬辰歐陽史作三月歸德軍節度使安彥威塞決河于滑


州蓋以奉使之月言是書以奏功之日言也

改鄴都宣明門為朱鳳門 朱鳳門五代會要作來鳳門

城南門為乾明門北門為元德門東門為萬春門西門為千秋

門 案五代會要晉改皇城四門為乾明元德萬春千秋在天

福六年是書統繫于七年與會要異



舊五代史卷八十攷證

